





CLEMENTI XI.


P. O. M.

SEMINARIUM ROMANUM

*Ex Universa Doctrina*

LITTERARIUM OBSEQUIUM.

D. D. D.



ROMÆ, MDCCII.

Excudebat Cajetanus Zenobius, in sua Typographia, & Fusoria,  
ad Magnam Curiam INNOCENTIANAM.

---

SUPERIORUM FACULTATE.



12

3  
**CLEMENTI XI.**  
**P. O. M.**

**SEMINARIUM ROMANUM**  
**FOELICITATEM;**



Erius fortasse, **BEATISSIME**  
**PATER**, quàm gratulationis  
causa postulabat, ad Sanctissimos  
Tuos Pedes nostra devolvuntur obsequia. Verùm  
ex quo felicissimè regnas, in eo laboravimus; ut,  
erumpere gestientem lætitiā intra domesticos pa-

riētes contineremus . Timor enim erat , ne, qua constantia dignitatem recusaveras , eādem gratulantes Tibi de dignitate repelleres . Nunc verò , cum Tuæ id etiam debeamus Clementiæ , quòd eidem dignitati placatus , regnare decreveris ; fines profectò , ut gratulemur , Tibi quidem , quòd , annuens Eligentium suffragiis , talem Pontificem dederis , nobis verò , quòd habeamus . Est hoc universo generi hominum commune gratulationis argumentum , quòd , ingentem expectationem de Tua virtute conceptam impleveris statim , ac majora jam facere Ipse possis , quæ nesciunt alii animo concipere , cū viderint maxima . Ad nos verò præter cōmunis lætitiæ causas , ea peculiaris ac verè nostra pertingit , quòd singulari benevolentiae significatione in summa dignitate , ac tanta Imperii mole , non inter ultimas amoris Tui curas Seminarium Romanum collocaveris . Extant hujus Tuæ in nos voluntatis indicia , & monumenta permulta , eaque nobis carissima : ejus verò causam scrutantibus non alia occurrit , quàm quòd adolescentes in hac nostra ætate liberales disciplinas promovere patrocinio Tuo velis ad fecunditatem . Fecerunt id quidem Pontifices ante Te multi : quibus gloriosum erat præsidio esse Sapientiæ . Neminem tamen propensiore animo erga litteras fuisse , quàm Te unum existimamus , & satis certè scimus . Persuasissimum id omnibus est , cum omni Te Scientia tum Divina , tum humana , omni eruditione tum Græca , tum Latina , omni denique optimarum Artium cognitione , vel à prima ætate excultum , & ad hanc usque universæ doctrinæ perfectissimam complexionem , provectum aspiciant . Quare non est mirum , si quas

ma-

5  
 maturas ut maximè artes in Te demiramur & colimus, eas Ipse in aliis licèt acerbis & immaturas singulari favoris & beneficentiæ umbra perducere studeas ad spem maturitatis. Et ipsæ quidem nostræ litteræ **CLEMENTEM** sensere Tuæ erga se voluntatis illapsam. Reflorescunt illæ sub Tuis auspiciis, certosque subindè fructus pollicentur, & ferent. Impatiens verò studium ergà Te nostrum facere non potuit, quin veluti futuræ fertilitatis rudimentum exhiberemus aliquando, quidquid à beneficentissimo Tui Syderis aspectu lucis ac splendoris accepimus. Propugnare non pauci, alii quidem Theologicas Theses, Polemicas alii, Canonicas alii & Civiles, alii Philosophicas. Et si quis est (sunt autem non sanè pauci) quem virtus aut studium ad Doctoratum evexit, non aliam ille fronti Laurum imposuit, quàm quæ sub Tui Nominis umbra adolevit. Id unum supererat, ut qui severioribus disciplinis honor contigerat, amenioribus etiam litteris quæreretur. Patieris igitur **PONTIFEX MAXIME**, ut Drama hoc allegoricum Tuo Nomini consecratur, & ut desumpsit à Tuis Oraculis argumentum, à Tuo etiam Patrocinio præsidium mutuetur. Patieris ut reliquæ etiam Musæ tibi inscribantur. Earum certè verecundia displicere non poterit. Cum enim optimè nossent, quantum Tuis Laudibus indigneris, id solum peccare potuerunt, quòd eos Pontifices laudandos susceperint, quorum laudes Modestiae Tuæ suspectas faceret sola affinitas nominis. Sed dandum aliquid est obsequio nostro: dandum est etiam aliquid Clementiæ Tuæ, quæ cum major esse non possit, non modò aditum aperit ad Te acceden-

tibus , sed certam spem ingerit animis , non ingratum omnino Tibi fore Litterarium hoc nostræ gratulationis obsequium. Ideò qui jam antea in unum Convictum Studiorum gratià convenimus, inita nunc novà Societate Accademiæ Tuo nomine inscriptæ , eaque nobis veluti meta simul & stadio laborum proposita, id in posterum curabimus, ut magnum animis nostris ex Te accessisse stimulum ad Sapientiam omnes intelligant.







# ACTORUM NOMINA IN PROLOGO.




RELIGIO.	<i>Marchio Stephanus de Mari.</i>
ROMA.	<i>Abbas Julius Vitelleschi.</i>
RELIGIONIS GENIUS:	<i>Joannes Baptista de Mari.</i>
ALCANDER:	<i>D. Ferrantes de Cardenas ex Marchionibus de Lajno.</i>
CHOREBUS.	<i>Ludovicus Baldeschi.</i>
BERILLUS.	<i>Comes Fabius Carandini.</i>



# PROLOGUS

## SCENA I.

*Alexander, Berillus, Chorebus.*

- Beril.*  UÆ, (malum!) ista cunctatio est? Nunquamne tandem inter nos de argumento Fabulæ Tragicæ conveniet?
- Alcan.* Magnum opus, mihi crede, illum laudare, quem omnes laudant, quem nemo satis laudat, quem nemo tamen laudari prodignitate non cupit. Quidquid asferas, infra famam & expectationem est.
- Chor.* At saltem aliquid excogitandum, accersendum è veteribus monumentis, petendum è recenti memoria.
- Alcan.* Quid queris? Omnia excussi, omnia tentavi, nihil dignum Argumento reperi.
- Beril.* Nihil?
- Alcan.* Nihil omnino: tanquam in immenso laudum mari mergor. At, at quis aures dulcis implevit sonus? Lux unde tam clara emicat?

## SCENA II.

*Religio cum duobus Geniis &c. Nubibus insidens, Cælo delabitur:*

- Relig.* **D** Ulces Alumni, cara Cœlitibus domus  
Flos Orbis, & Romæ decus,  
Satis est prophanis hætenus ludis datum:  
Theatra me digna, & meo  
HEROE, triplex quem colit mundus, volo.  
Ea cura vos hodie vocat.
- Alcan.* Jubere tuus est, obsequi, noster labor.
- Beril.* Parere non lentos vides.
- Relig.* Nostras ad aures vestra jam dudum haud semel  
Venere vota. Quæritis  
Celebrare justis laudibus Mundi CAPUT,  
Sacrique PASTOREM gregis:  
Doctore quo secura regnat veritas,  
Quo Roma floret auspice:  
Facunda cujus lingua mores instruit,  
Et vita virtutem docet.  
Nunc ille, vestra vota quem poscunt, locus,  
Laudumque materies datur.  
Animis adeste.
- Alcan.* Sis bona & felix tuis.  
Quid esse nobis dulcius?  
Quid esse possit justius? Tamen..... *Relig.* Quid est?  
Quis subitus occurrit pavor?  
Narrate. *Alcan.* Ne laudetur hoc unum cavet:  
Unumque, nam scimus, vetat.

*Relig.*

## PROLOGUS.

- Relig.* Vetat? Vetare num potest? Laudabilis  
Primum igitur esse desinat;  
Moresque, virtutemque nativam exuat,  
Se deinde laudari vetet.  
Laudanda Virtus quin sit, hoc unum, omnia  
Licet ipse possit, non potest.
- Chor.* Feret moleste, quicquid est laudis. *Relig.* Ferat:  
Pars laudis hæc vel maxima.  
Quemcumque laus delectat, hic laude excidit.  
Vetat unus: Orbis at jubeat:  
Et Roma; & ipsa jubeo. Nec Judex suæ  
Dominusque famæ est. Publici.  
Quippe alma virtus juris est. Modestiam  
Justitia vincat. ~~Desinit~~  
Adhibere vim. Cogendus & pridem fuit:  
~~Qui debuit cogi, placet.~~  
Illo carerem, si reluctanti foret  
Mos gestus. *Chor.* At, quæso.... *Relig.* Metum  
Omittite: ipsa vos dabo tutos. Mihi  
Parere nam CLEMENS amat.
- Alcan.* Tamen imperanti mos gerendus, aut gravis  
Subeunda noxa. *Relig.* Num reos  
Levius, silendo, vos fore putatis? *Scelus,*  
Tacere, longe maximum est  
~~Peccare quod si oportet, in partem hanc juvat~~  
~~Peccare, qua sit cautior.~~
- Chor.* Igitur, docere, Diva, ne piget modum,  
Operisque formam dicere.
- Relig.* Minister aulæ fidus hic nostræ, vices  
Meas obibit, hic viam  
Aperiet. Ille promit hoc Sacro è Penu  
Oraculorum divite,  
Quicquid Theatri dignitas vestri petit.

## SCENA III.

*Alcander, Revillus, Chærebus, Genius:*

*Gen.* IMPLETA SUNT VOTA GENTIUM, ORACULA PRO-  
PHETARUM. ÆTERNUS RERUM OMNIUM CREATOR  
ET DOMINUS SERVILEM FORMAM OBUMBRATA  
DIVINITATIS SUÆ MAJESTATE SUSCEPIT, UT QUOS  
SUB IMMANI PRISCÆ CONTAGIONIS JUGO DURA  
TENEBAT CAPTIVITAS, OPTATA DIU LIBERTATE  
DONARET.

*Beril.* Quid isthuc est? amabo.

*Gen.* AD PECCATORES MISERICORDIA, AD ÆGROS SALUS,  
AD ERRANTES VERITAS, AD CÆCOS LUX, AD MOR-  
TUOS VITA DESCENDIT.

*Chor.* Quid id est?

*Alcan;*

## PROLOGUS.

11

*Alcan.* Mera fundis Oracula.

*Gen.* GRANDE MYSTERIUM, GRANDE DIVINI AMORIS PORTENTUM , GRANDE RECONCILIATIONIS NOSTRÆ SACRAMENTUM.

*Alcan.* At, quæso, doce, quorsum ista tam sublimia, tam magnifica pertineant.

*Gen.* Quàm hæc divinitus sunt dicta ! Quam Auctorem suum sapiunt ! AD ERRANTES VERITAS, AD CÆCOS LUX, AD MORTUOS VITA DESCENDIT.

*Beril.* Certe Gregorios Magnos , Leones, Ambrosios audire videor.

*Gen.* Non Ambrosios auditis , non Leonem, aut Gregorium, sed eum, qui Ambrosios, Leones, Gregorios, munere officioque repræsentat, reddit eloquentia, moribus exprimit.

*Chor.* Nunc demum video, unde ista tam ægregia sumpta sint. Nec miror tam splendide, tam graviter, & sanctè dicta: Auctorem agnosco.

*Beril.* Et veneror. Sed quid consilii tibi est, aperi, quæso, ne retice.

*Gen.* Dicam. Videndum vobis est, quemadmodum hæc tam ægregia in Scenam inducatis.

*Beril.* In Scenam inducamus ?

*Gen.* Non vos fugit illa vox, *Segnius irritant animos demissa per aures, quam quæ sunt oculis subjecta fidelibus*. Non sit satis hæc Oracula in Principis Urbium Confessu amplissimo pronuntiata fuisse, consignata literis, in lucem edita, Orbi toti audita. Eadem ab omnibus, faciendum est, ut spectari possint.

*Alcan.* At hoc fieri quo tandem pacto potest ?

*Gen.* Non est abeundum longius. Ipsa, quæ recitavi modo verba nonne vobis aliquid ostendunt, aptum Scenæ, Theatro natum ? ÆTERNUS RERUM CREATOR, ET DOMINUS SERVILEM FORMAM INDUIT, UT QUOS DURA TENEBAT CAPTIVITAS LIBERTATE DONARET. DESCENDIT AD PECCATORES MISERICORDIA, VITA AD MORTUOS. JUSTITIA DE CÆLO PROSPEXIT. Quid si fingeretis, nam fingendum aliquid in Scena, & licèt.

*Beril.* Imò necesse est.

*Gen.* Fingite, inquam, Regis potentissimi Filium Servi formam induere, ut Reum libertate donet. Jam tres personas habebitis. Primam Regis, alteram ejus Filii, tertiam Servi. Rex iratus Servo perduelli cum carceri mancipabit: neci, si vultis, addicet. Princeps Regis Filius Rei & Servi locum sumet, eumque sic libertati, ac vitæ restituet.

*Chor.* Bellissime. Quid si Regi addantur duo Proceres, quasi consilii capiendi causa, duo Regni administri ?

*Gen.* Perplacet. Ità illorum partes dividetis, ut alter Clementiæ quasi personam sustineat, alter Severitatis & Justitiæ: hic reum neci dedendum suadeat; ille venia donandum: hic justas infligi pœnas velit; ille contra remitti, & relaxari,

*Chor.* Sanè plus habebit contentionis ista quasi dimicatio, plus ardoris.

*Alcan.* Et plus etiam voluptatis.

*Gen.*

## PROLOGUS.

*Gen.* Reo isti adjugetis duos filios, quos paternum premet scelus, qui ad eandem pertrahentur cum parente reo poenam, qui eadem cum illo venia & libertate gaudeant?

*Alcan.* Nihil melius.

*Gen.* Habetis totum tragiæ pulcherrimæ ordinem.

*Alcan.* Quas enimvero tibi grates agemus pro tam insigni beneficio?

*Gen.* Defunctus sum meis partibus. Recedo. Videte ut Actores, & alia, quæ usus theatri postulat, comparetis. Favebo captis, artem, verba, sensus heroicis, numerosque suggeram.

*Beril.* Adesse, quæso, perge, ac laborantes in tantis temporis angustiis adjuva.

*Gen.* Adero. Favebo: neque temporis angustias formidate. Ad laudandum Clementem si miraculis opus est, non deerunt.

*Alcan.* Sequor: ut omnia duce tē, atque auspice, componam: jam vos revocam, & quid effecerim, renunciabo.

## SCENA IV.

*Berillus, Chorebus.*

*Beril.* NOS vero beatos Doctore tanto! Quò attentius argumentum hoc & consilium contemplor, eò mihi magis arridet.

*Chor.* Divinitus profecto datum.

*Beril.* Rex iste, Deum orbis moderatorem, ac primi sceleris in Homine reo vindicem iustissimum, exhibebit. Duo illi Proceres, alter Iustitiæ Divinæ partes, alter Misericordiæ, obibunt. Perduellis Servus personam sustinebit Humani Generis.

*Chor.* Vel potius primi hominum Parentis, qui pater hominum & parricida, liberos, quos nondum genuerat, interfecit, & uno crimine ream progeniem damnavit.

*Beril.* Rectissime. Illi duo Pueruli, specimen erunt miseræ posteritatis.

*Chor.* Imo beatæ, post impetratam veniam, & placatum Regem Filii sui deprecatione ~~in laudem~~.

*Beril.* Et morte.

*Chor.* An mori Principem hunc adolescentem, Regis unicum filium, in Scena facies?

*Beril.* Omnino mori: nam nisi Christi morte, quem ille Princeps adolescens exhibebit, repræsentari vita perditis hominibus non potuit. Audi, NATUS EST, UT DOCERET; MORTUUS EST, UT SANARET; RESURREXIT, UT GLORIFICARET. Vides singulas fabulæ tragicæ partes nobis à Pontifice Optimo Maximo subministratas. Nihil hodie de nostro fingimus, omnia sumimus ab illo, in quo Roma suum decus; Cælum Interpretem, Terra Doctorem, & oraculum habet.

*Chor.* Nefas tamen est in Scena mortem exhibere Principis. Nimis hoc tragicum, imo contra leges Theatri, quas observatas sanctè velim.

*Beril.* Quiesce: istimalo providebitur.

*Chor.* Sanè incommodum hoc si fugis, nihil, quàm totum istud, his partibus, quas modo diximus, informatum malim.

SCENE

Digitized by Google

SCENA V.

*Alexander, Berillus, Chorebus, & Roma.*

*Alcan.* **F**AVETE linguis. Roma spectatrix ades,  
Oculosque, & aures commoda.  
*Rom.* Adsum: vocata venio. Non isthæc vetus  
Roma, & profana criminum  
Parens, magistra erroris, & inani tumens  
Fallacis aura gloriæ:  
Angustus Orbis cui fuit; cujus finum  
Oriens capacem, & Occidens  
Spoliatus, ac vastatus implevit. Nihil  
Est opibus è tantis super,  
Nisi nomen; & congesta moles rudерum;  
Urbi sepulchrum conditæ.  
Romam implet hodie Roma destructa, & truces  
Minæ Theatrorum; Arcuum  
Calcata pedibus pænè jam fastigia,  
Pulchrumque media in Urbe rus;  
Ærisque, marmorisque confusum chaos,  
Illustre, magnificum chaos!  
Statuæ, minores auribus, naso, pede,  
Bis mortuorum tristia  
Monumenta: tituli manibus & umbris dati:  
Ævoque detritæ, ac situ  
Inscriptiones, quas vetustati eripit  
Obliviosæ diligens  
Critici sagacis cura, doctisque eruit  
Quondam legendas posteris:  
Et alia rapidi temporis ludibria,  
Heu fragilis annorum jocus!  
Hæc, Roma jam sunt. Fuimus. At, fallor, sumus;  
Majorque Roma jam sumus.  
Post tot ruinas altior surgo. Viget,  
Cæloque par tollit caput  
Sepulta toties Roma: de tumulo novam,  
Rediviva lucem colligo,  
Melioris ævi compos, & morum arbitra,  
Virtutis & veræ potens.  
Religio mihi plus, bella quam, & Martis labor,  
Petrusque, quam Cæsar, dedit.  
Qua Sol utrumque geminus Oceanum aspicit,  
Regno. Meas Afer, Japon,  
Brasilusque, Chilenusque, leges accipit.  
Non turbam inanem Numinum,  
Deosque populo iudice creatos colo,  
Ani sive scelera confecro.

Sed sancta Divis Templa, sed castas domos,  
 Summoque sedes Numini  
 Posuisse lætor : vera se pietas ubi,  
 Deusque se totum explicat.  
 Nec jam triumphos Cæsarum, & priscos Duces,  
 Cantata jacto nomina :  
 Sed Veritatis præsidēs, sed Numinis  
 Vicarios, quorum Polus,  
 Tellusque voces audiunt : quorum pedes  
 Apex superbus Principum,  
 Regumque lambit strata majestas humi,  
 Testata præsentem Deum :  
 Hos inter Unus eminet, Splio Petri  
 Quem rara virtus intulit :  
 Unus, priorum decora qui jure omnium  
 Collecta, laudesque obtinet,  
 Quo magna sum. Laudare vos illum juvat.

*Chor.* Faciemus. Et nos hæc modo

Musæque nostras cura sollicitas habet :  
 Vocata spectatrix ades .

*Rom.* Quid agitur autem ? Quæve laudum portio  
 Celebranda jam vobis placet ?

Celebrare cunctas nam simul nullæ queant  
 Musæ, Theatra, Carmina,  
 Nec ipsa, Mundum Roma quæ capio, queam  
 Huic esse par oneri : Est opus  
 Laudum ex acervo legere, quod vires ferant,  
 Quod tempus, & poscat locus .

*Chor.* Factum . Aduere Cælites . Operis modus  
 Et forma jam constat . *Rom.* Cedo .

*Beril.* CLEMENTIS inter decora, laus nobis placet  
 Cælestis Eloquentiæ .

Præclara magni Verba Pontificis damus,  
 Quæ fama late distulit .

Cum Vaticano plausibus jugo datis

Echo assonaret æmula,  
 Sed Verba quamvis aurca, volantes sonos,  
 Partusque linguæ præpetis,  
 Velox feroci dissipat flatu Notus,  
 Auræque inanēs opprimunt .

Quodcunque punctum temporis nata edidit,  
 Idem sepulta perdidit :

Quin tota nequeunt vivere, & pars jam perit,  
 Dum parte vivunt altera .

*Chor.* Ergo ut recepta mentibus longum hæcant

Auresque ne prætervolent,  
 Oculis fruenda tradimus : volucrem fugam  
 Vocis Theatro sistimus :

Et actione verba vestimus ! Sono



## PROLOGUS.

15

Motumque vitamque addimus.  
 Quodcumque muto charta celavit sinu,  
 Hoc Scena vocalis dabit.  
 Nec sola magni Verba Pontificis dabit,  
 Mores at ipsos exprimet:  
 Justumque, Clementemque, ubique Maximum,  
 Pia exhibebit Fabula.  
*Ross.* Maſti. Beatis: nec tamen vetitos velim,  
 Quos vestra conſuevit Domus  
 Obire ludos. Hic ſuus Marti locus  
 Erit, & palæſtræ nobili.  
 Nil ſit morarum: tibiis lætum increpent  
 Tubiſque junc̃ta tympana.

## FINIS PROLOGI.



## ARTIS SALTATORIÆ SPECIMEN.

*Qui Romam triumphantis in morem  
 humeris invexerunt in Scenam,  
 ejusdem Urbis insignia quatuordecim præferentes,  
 Choream agunt,  
 Et gentilitium PONTIFICIS Stemma vario corporis motu  
 depingunt.*

Joannes Nanti.  
 Philippus Infaghi.  
 Joannes Petrus Foementi.  
 Joannes Altoviti.  
 Augustinus Lombardi.  
 Leonardus Tempi.  
 Augustinus Grimaldi.

Mauritius D'Aste.  
 Laurentius Grimaldi.  
 Joannes Dominicus Lomellini.  
 Paschalis Galeani.  
 Joannes Lucas Imperiali.  
 Hercules Oddi.  
 Nicolaus Capece.







THE ANDER  
D R A M A  
ALLEGORICUM



# ARGUMENTUM DRAMATIS.



EX Pantocrator Protoplastum perduellem Subditum, conflata cum Hostibus in se, ac Filium, conjurationis reum neci addixerat. Hoc ubi audivit Theander Pantocratoris Filius, qui Protoplastum non secus ac Fratrem diligebat, cum alia ratione servare miserum non posset, ejus loco, clam Patre, moritur. Charitate Filii Rex percussus, Reum in gratiam, & pristinum dignitatis gradum restituit.

## *Actorum Nomina, & Personæ in Dramate.*

PANTOCRATOR Rex.	<i>Marchio Stephanus de Mari.</i>
THEANDER Filius Pantocratoris.	<i>Abbas Pompeus Amadci.</i>
PROTOPLASTUS Reus.	<i>Angelus Granelli.</i>
ALEXIUS )	<i>Joannes Baptista de Mari.</i>
CARILUS ) Filii Protoplasti,	<i>Comes Joannes Petrus Arrivabene.</i>
EUBULUS )	<i>D. Joannes Franciscus Cavaniglia</i>
	<i>ex Marchionibus S. Marci.</i>
DICASIMUS ) Regii Sanguinis	<i>Georgius Bosdari.</i>
	<i>Principes.</i>



# ARGUMENTUM

## ACTUS PRIMUS

**D** Eteſſa Protoplaſti conjuratione Rex ipſum unà cum liberis, ac tota ſtirpe perdere conſtituit. Eubulus Regem inſteſtere conatur ad clementiam. Inſtat contra Dicafmus, & reum neci quam primum eſſe dedendum perſuadet. Evocatus igitur cum liberis Protoplaſtus, exprobatò ſcelere, jubetur mori. Fruſtra deprecator accedit Regis filius Theander, fruſtra Patris expugnare ſeveritatem nititur. Obire mortem amici loco ſtatuit.

# ACTUS I.

## SCENA I.

*Pantocrator, Dicafmus, Eubulus.*

*Pant.* **T**MPUNE perduellis in Solium inolet?  
Sceptrunque parricida præripiat mihi,  
Natoque? Donis ille cumulatus meis.  
Eveſtus ad ſpem Regni, & adſcitus domum,  
Natique ſemper habitus, & amatus loco,

Rebellat in me, donaque oblitus mea,  
Suimet ipſe oblitus, in Domini caput  
Intendit arma, noſque ſcleratus petit.

*Dicaſ.* Alitur malum, gliſcitque, niſi preſens premit,  
Et reſecat ulcus poena. *Eub.* Nil equidem abnuo,  
Meruit, fatetur ipſe. *Dicaſ.* Quod meruit, luat.

*Pant.* Ego ille Regum domitor, & rerum arbiter,  
Facinus rebellis *impium ſervi ſeram?*

*Dicaſ.* Quin tota pariter funditus pereat domus,  
Radicitus fuccifa; nec ſolus cadat,  
Ad poſteros pertineat, & vivax premar  
Scelus nepotes. *Eub.* Mitius miſeros habe:  
Regibus amari dulcius ſemper fuit.

*Dicaſ.* Semper timeri tutius Regi fuit.

*Eub.* Veniat amoris priſtini in mentem. *Pant.* Venit.

Quò tendere ultra regius potuit favor?

*Dicaſ.* Quò tendere ultra Subditi potuit furor?

*Pant.* Satis eſt amorì, plus ſatis reo datum eſt,

Amare neſcit, timeat. Ex odio meum

*Æſtimet* amorem, donaque ex poenis. *Dicaſ.* Amor

Movere quem non potuit, hunc poena obruat.

*Eub.* Nihilne precibus, genitor, & nato dabis?

*Pant.* Fruſtra roget Theander. *Dicaſ.* Imperii lueam,  
Hoſtem parentis, & ſuum, infelix amat!

*Pant.*

- Pant.* Amat? Et amare licuit insontem : reum  
 Odisse, jam religio, lex, pietas, jubent.  
*Eub.* Vicaria illum morte servatum cupit  
 Tuus Theander. *Dicaf.* Facinus indignum! *Pant.* Preces  
 Iſtas omittat natus, ac merita nece  
 Pleſti ſceleſtum gaudeat mecum genus.  
*Eub.* Natum rogantem reſpues? *Pant.* Noſtros prius.  
 Quam natus iſthuc pro reo affatus petat,  
 Eripere amicum vel neci tentet, ratum eſt  
 Ferire certo fulmine inviſum caput.

## S C E N A II.

*Pantocrator, Eubulus, Dicafimus, Protoplaſtus, Alexius, Carilus.*

- Pant.* **I** Nunc, ſuperbe, ſceptra jam noſtra obtine,  
 Patriæque linquens pulverem, & ſordes caſæ,  
 Regale nomen, ac locum tandem occupa.  
 Ingrate! Vecors! Perſide! hoc de te mihi  
 Sperare licuit? Opibus & honore auxeram,  
 Primoribus, natoque reddideram parem,  
 Mihiſque. Dona ſic mea oblitus, vicem  
 Iſtam rependis? Trahite conſeſſim hinc procul,  
 Perimite: lacerum canibus oſcenis date  
 Prædam cadaver. Stirpis at ſobolem impiæ,  
 Natos, nepotes, publicè exuſtos, volo  
 Leves in auras, cinere diſperſo, rapi.  
*Prot.* Agnoſco: merui. *Pant.* Denique agnoſcis? Parum eſt;  
 Agnoſcet ætas omnis. *Dicaf.* Exemplis juvat  
 Firmare magnis ſceptra, ne quiſquam audeat  
 In poſterum inſanire. *Prot.* Per natum obſecro.  
*Pant.* Quem prodidiſti. *Prot.* Per tuam hanc dexteram, pater;  
 Si fas vocare. *Pant.* Judicem potius voca,  
~~Pater eſſe deſi.~~ *Prot.* Judicem appello, reum  
 Siſto fatentem. *Eub.* Parce ſupplicibus. *Prot.* Piget  
 Sceleris, pudetque. *Pant.* Jam nihil precibus loci eſt  
 Veniæque. Dixi. Nulla ſit juſſis mora.  
*Alex.* At tu parenti parce Rex. *Eub.* natos vides  
 Miſeri parentis. *Caril.* Perde, ſi libitum eſt, nea  
 Perure, geminum offerimus in pœnas caput  
 Pro patris uno capite. *Pant.* Nec geminum caput  
 Satis litabit ſcelere pro veſtro, procul  
 Hinc perduelles ite. *Alex.* Sic vivat tuus  
 Diù ſuperſtes natus. *Pant.* Et vobis, diù,  
 Veſtroque genere, vivat, extincto. *Eub.* Tamen  
 Quid his peractum eſt ſceleris? *Dicaf.* In natos ſcelus  
 Recidit parentis. *Eub.* Iſtam in ætatem ſcelus  
 Nondum cadit. *Pant.* Parente ſclerato ſatis  
 Sit eſſe geuitos. *Eub.* Sit ſatis patri ſuum  
 Scelus, vacare liberos culpa jube.

*Alex.* At esse miseros, esse sceleratos jube,  
 Modo sit superstes genitor. *Caril.* Hunc nostra frui  
 Pœna, rogamus, patere. Per si quid sacrum,  
 Per si qua pietas. *Alex.* Genitor ad genua accide.  
*'Prot.* Rogo, parce natis. *Pant.* Quos tuum damnat scelus.  
*Prot.* Quos tenera pueros sceleris, & noxæ integros,  
 Persuadet ætas. *Pant.* Quos reum damnat genus,  
 Patrique jungit. Fugite conspectum: luem  
 Radice ab imajubeo funestam erui  
 Quis hic? *Dicaf.* Theander.

## S C E N A III.

*Theander, & alij.*

*Thean.* GENITOR. *Pant.* Ah video! foves  
 Sceleratum, & hostem diligis.  
*Thean.* Amicum. *Pant.* Hunc amas?  
*Thean.* Quem, Pater, amasti: filium tute hunc tibi,  
 Hunc esse fratrem tute voluisti mihi.  
*Pant.* Tunc nempe, sceleris purus, & noxæ integer  
 Cum fuit, amavi; nec piget. Quid jam in reo?  
 Potest placere? *Thean.* Quod reus, quodque est miser.  
*Eub.* Favere miseris regium semper fuit.  
*Dicaf.* Odisse iniquos regium semper fuit.  
*Thean.* Quin ipse miseros diligis, nec te patrem  
 Unquam vocari, si quis appellat, vetas.  
*Pant.* Pater esse miseris non nego, ingratis nego,  
 Nego sceleratis. Judicem iussum sibi,  
 Suique justum sceleris ultorem sciant.  
*Thean.* Etiamne fratrem indigna patientem feram?  
*Pant.* Indigna? *Thean.* Digna fateor. & scelere, & reo,  
 Indigna sed te, Genitor. Est Clementia  
 Laus prima Regum. *Alex.* Scelere num victa unico  
 Pœnas reposcet, pristinum & morem exuet?  
*Pant.* Justitia regum prima laus semper fuit.  
*Thean.* Tibi perire filium, fratrem mihi  
 Perire, videam lentus? *Pant.* Est reus. *Thean.* Est tuus.  
*Pant.* Meus ille? *Thean.* Quem voluntas atque adoptio  
 Dedit. *Pant.* Immerentem. *Thean.* Natus ut Regis foret  
 Nihil ipse meruit, fateor: ast ex quo tuus  
 Incæpit esse, meruit, & amari, & coli.  
*Pant.* Ingratus ex quo cæpit esse atque impius,  
 Meus esse desit, meruit & plesti. Ratum est,  
 Merita scelestum morte dependet nefas.  
*Thean.* Ratumne, genitor? *Pant.* Est ratum. *Thean.* Clementiæ  
 Loci nihil veniæque, nil precibus loci est?  
*Pant.* Nihil. Recede. *Thean.* Per patris nomen rogo,  
 Per dexteram hæc, permitte. *Caril.* Natum respues?  
*Alex.* Nihil obtinebit patus? *Pant.* O' felix reus,

Cui deprecator tantus obvénit ! Tamen  
 Quo rapior ? Actum est : dicta jam sententia :  
 Non muto factum . *Dicas*. Quod probe expensa semel  
 Statuere causa placuit , infringi est nefas .

*Eub*. Injusta nunquam causa parcendi fuit .

*Dicas*. Est puniendi iusta . *Eub*. Cum natus rogat ,  
 Audire iustum est . *Caril*. Natus extinguat faces  
 Regalis iræ . *Pant*. Solus extinguet cruor :  
 Facesse pietas . *Dicas*. Crede nec pietas ea est ,  
 Quæ legibus non servit , & crimen fouet ,  
 Nato , tibi , crudelis . *Eub*. Et Regi , & Patri ,  
 Honeſta . *Dicas*. Populo pariter & regi , & patri ,  
 Damnoſa . *Eub*. Regno pariter , & regi utilis .

*Dicas*. Indignus est , cui crimen ignoſcas , reus .

*Eub*. Dignus Theander , cui Pater amici ſcelus  
 Condonet ultro . Sic Patrem vinci decet .

*Caril*. Reo negas : concede nato . *Alex*. Da Pater ,  
 Quod merito Iudex abnuis . *Pant*. Nati & Patris  
 Hic una causa est . Rex , Pater , Natus , reum  
 Simul repoſcunt ad necem . Nil ſit moræ ,  
 Abſiſſe , filii . *Thean*. Quid jubes genitor ? *Pant*. Volo  
 Crimen piari ſanguine . *Thean*. Pietur meo .

*Pant*. Sanguine nocentis . *Thean*. Innocentis : hunc dabo  
 Qui labe nulla fluxit imbutus ; cape ,  
 Totum ecce fundo , genitor . *Pant*. Incassum preces  
 Lacrymasque fundis , dedite ſceleſtos neci .

## SCENA IV.

*Theander ſolus .*

**A**GE , huc , amor ; neglectus , infelix , amor ,  
 Ingenium , & artes admove . Sed quas ? Preces  
 Lacrymasque frustra dedimus : affuſi pedes  
 Prenſavimus , tentata , conſumpta omnia :  
 Nihil eſt amori , & gratiæ , nato nihil  
 Datum eſt : ſeverus filium abjecit pater  
 Fruſtra precantem . Forte morientem audiet ;  
 Moriamur . Euge . Nil niſi felix dolus ,  
 Vicariam nil præter eſt mortem ſuper .  
 Aude anime , perge , aggredere , quod longe ſequens  
 Miretur ætas : quod parens factum probet ,  
 Quod doleat idem , ac laudet . Hic regni , & tuum  
 Decus , hic parentis vertitur . Sic ſubditos  
 Et Regna Patri , ſic tibi fratrem , & reum  
 Miſerumque ſervas . Ite degeneres metus ,  
 Vaſte ſceptra , quidquid in vita fuit .  
 Aut eſſe dulce potuit , æternum vale .  
 Carcer , catena , vis veneni frigida ,  
 Et quidquid atrox , triſte , funeſtum , objicit



## A C T U S

23

Mors, dulce amanti est. Pascitur duris Amor,  
 Periculis accrescit, & media in nece,  
 Victor triumphat; nec satis amico datum  
 Putat esse, si profundat aut famam, aut opes,  
 Lacrymasque: vitam, sanguinem, & sese nisi  
 Totum profundat: seque sic vita, & nece,  
 Tumuloque fortiorem, & invictum, probet.

FINIS ACTUS PRIMI.



## GLADIATURÆ SPECIMEN.

*Dum umbratili Monomachia duo Juvenes digladiantur,  
 aliis aliisque in utriusque subsidium succedentibus,  
 ludicrum omnes miscēt certamen,  
 quod tandem ense permagno dirimit præstantissimus Gladiator.*

Carolus Gefualdi.

Joannes Nanti,

Nicolaus Capece.

Augustinus Lombardi;

Hercules Oddi.

Carolus Imperiali.

Joannes Lucas Imperiali.

Laurentius Imperiali

Petrus Paulus Carrara.

Leonardus Tempi.

Julius A Vulpe.



ARGU-

# ARGUMENTUM


## ACTUS SECUNDI.

**D**Annatus cum filiis Protoplastus, illorum ac suam lugebat vicem : cum adest subito Theander : fingit placatum à se Regem, veniam reo donatam. Catenas Protoplasta detrahitis, eumque domum ablegat, ubi squallorem deponat ac vincula, statim rediturus ad agendas Regi gratias ; ipse interim amici catenas induit, abdit se in carcerem ejus loco, & venenum ab infido liſtore in tenebris propinatum ebibit.

# ACTUS II.

## SCENA I.

*Protoplastus, Alexius, Carilus.*

*Prot.*  CTUM est, perimus : nulla spes veniæ est super. Labes meorum, perditæ opprobrium domus, Ludibrium hostis, pereo. Quo cecidi miser !

Alto repente tractus in preceps gradu !

Utinam ipse caderem solus ! Heu longos sequax

Premet nepotes pœna, & unius scelus

In immerentes recidet æternum reos.

Meruisse pœnam fateor : at, quid liberi

Meruere, quos (heu !) perdidit, quos ad necem

Sceleris paterni causa communis rapit,

Et origo miseros damnat infausta. Omnium

Sum crimen unus. Si quis at veniam tamen,

Regisque rursus gratiam infensi daret !

Scelere ut solutus morerer ! O nati ! Oscula

Suprema libem, sinte. ~~Postremum hoc erit~~

Quod vos videbo : triste documentum pater

Vobis ero, peccare ne libeat. *Alex.* Pater.

*Caril.* Genitor. *Prot.* Valet. Fata meliora apprecor :

Vobis Theander aderit, & periculi

Quicquid minatur regis offensi furor,

Amolietur. Ipse dependam scelus,

Namque omne nostrum est : magna pars pœnæ tamen

In vos recumbet. Vivite : hoc unum est super

Miseris : iniqua fata, sceleratus parens,

Reliqua abstulerunt omnia. *Alex.* Hoc potius pater,

Rogamus unum & quærimus, tecum ut mori

Tecumque plecti liceat. *Caril.* Ah ! Patrem sequi

Liceat. *Prot.* Manete : vivet in natis parens,

Meliorque, spero, vivet. *Caril.* Abs te, mi Pater,

Vis

## S E C U N D U S. 25

- Vis nulla nos revellet. In lucro est mori.
- Alex.* Hæc summa voti est: sceleris ejusdem reos,  
Ut jungat eadem pœna: *Caril.* Cum Patre emori  
Dulce ac decorum est: Unus hic urit dolor,  
Tuam subire quod vicem nequeo, Pater.
- Alex.* Caput parentis capite quin possum meo  
Redimere? Quin te mille per mortes licet  
Servare, genitor? Moreris? *Prot.* Ah nate! *Caril.* Obsecro,  
Venire pœnæ liceat in partem, ac necis.
- Alex.* Ut te perempto vivam? *Caril.* Ut avellar sinu  
Cari parentis? Non feram. *Prot.* Hanc, oro, indolem  
Servate superi: detonet vester furor  
Caput hoc in unum. *Alexi!* Mi Carile! *Alexi.* Ah! Pater.

## S C E N A II.

*Theander, Protoplastus, Alexius, Carilus.*

- Prot.* **M**Orimur, Theander, morimur. Hoc unum dolet,  
Quod regis hostis, quod tuus dicar. *Thean.* Voca  
Fratrem, atque amicum. *Prot.* Perditum appella; impium,  
Et perduellem: fuerit hoc misero fati,  
Si te meo cruore, si Regem mihi  
Placatum habere mercor. *Thean.* Age, regis furor  
Tandem resedit. *Prot.* Victimam ad mortem vocas,  
Hæc una Regis ratio placandi. *Thean.* Voco  
Ad vitam. *Prot.* At, oro, parce misero illudere,  
Non ista volui, nec mori timidum vides.
- Thean.* Amice, Frater, quidquid arcani latet,  
Juvat aperire. Vive jam felix, Patrem  
Vicimus. Atrox justitia, & indocilis rigor  
Clementiæ concessit, en te filio  
Donavit. Agedum, vincla confestim exue.
- Prot.* Ludisne amantem, Frater? *Thean.* Egredere istud quidem  
Extorsimus: pugnandum, & instandum fuit,  
Lacrymas, preces, parentis alnum, & filii,  
Ut arma certa, nomen admovi prædedit  
Victas manus, reumque jam solvi jubet.
- Prot.* Vigilone! Mentem somnus an dulcis tenet?
- Thean.* Quin, & catenas, carcerem, & quas hæcenus  
Pœnas luisti, quasque te meritum annuis,
- Prot.* Graviora merui, fateor. *Thean.* In medium attuli:  
Miserum esse juxit, juxit esse perditum,  
Ut ne perires, dignus ut lacrymis fores  
Veniaque. *Prot.* Si servandus hoc fueram modo,  
Sic, sic juvat periisse, jamque adeo prope est  
Ut esse felix culpa dicatur, tuo  
Redempta tanto amore. *Alex.* Ut advoluar sine  
Genibus, Theander, *Caril.* Istam ut amplectar manum!
- Thean.* Nondum catenas exuis? *Alex.* Dum res calet,

Irasque regis animus oblitus graves  
 Paulum acquiescit, rumpere actutum moras  
 Juvat, ac recentis gratiam veniæ ratam  
 Firmamque facere. *Thean.* Nequid occurrat mali,  
 Mentemque genitor mutet: hos habitus statim,  
 Et luctuosæ sortis, ac noxæ notas,  
 Et vincla, & istum, quo jaces dudum obsitus,  
 Cum vinculis deponere squalorem, domum  
 Excurre nostram, cultum ut hic alium induas:  
 Perges in aulam postea, & Regi accides.  
 Ad genua supplex; debitas veniæ memor  
 Datæ rependes gratias. *Prot.* At quas tibi  
 Solvam Theander? *Thean.* Pignus hunc nostræ cape  
 Fidei & amoris annulum: hunc Regi offeres,  
 Agnoscat ultro, nomen & nostrum libens,  
 Quod gemma præfert Indica notatum, leget.  
*Alex.* O nos beatos, frater! *Caril.* O lapsam domum  
 Sic restitutam! Vivis, ò Genitor. *Prot.* Tuum est  
 Istihuc Theander.. Vivite huic in posterum,  
 Unamque, nati, colite. *Caril.* Sic vivam; ut tibi  
 Uni, Theander, vivam. *Alex.* Ut uni serviam.  
*Thean.* Servare miseros est meum. *Caril.* Ah Frater! *Thean.* Moras  
 Præcidite, isthinc rapite festinum pedem.

## S C E N A III.

*Theander solus.*

**D**ulces catenæ, dulce monumentum mei.  
 Amoris: ut vos induo ac stringo libens,  
 Simulque amici crimen ac sortem induo!  
 Sed perge, Amor: pars laudis hæc nostræ quota est,  
 Rapuisse amico vincla! Nunc illi affere  
 Moriende vitam. Vinculis nostram adiice,  
 Ut venia misero certior constet, necem:  
 Hoc restat unum. Morimur, ò Genitor: pius  
 Amor volentem filium huc adigit: litet  
 Tuo furori victima hæc melior. Cape  
 O Frater, animi pignus hoc nostri; meum est  
 Quod vivis, unum postulo; ut nostri memor,  
 Amanisque vivas. Genitor, indulge reo.  
 (IGNOSCE GENITOR, NATUS HOC MORIENS ROGAT.  
 TIBI SIT ILLE FILII DEINCEPS LOCO,  
 SI NOS AMASTI, MORTE SIT NOSTRA INNOCENS,  
 MEOQUE VITAM FUNERI ACCEPTAM FERAT.)  
 At vos nepotes feri, & ætas ultima,  
 Audite, Servum Filius Regis, Reum  
 Infons, Amicum Amicus ut servet, perit.

FINIS ACTUS SECUNDI.

ARTIS

# ARTIS MILITARIS SPECIMEN.<sup>27</sup>

*Puerorum Agmen, quos sclopetis majoribus instructos Ductor recenset, nunc simplicem, & extensam aciem, nullo sinu, nulla curvatura efficiendo, nunc eodem ordine conservato illam duplicando, in cuneum nunc, nunc in orbem mutando, & digressiones, reversiones, dispositiones, aliaque id genus militaria exercitia eos edocendo.*

*Hi tandem in hostiles agros strictis ensibus excursuri, ea arte Sclopos humi deponunt, ut ex iisdem quatuor munitissima Arcis propugnacula delineentur:*

*Arcis autem in area variis Signifer vibrationibus vexillum explicat, complicatque; ac postremo Militum reliqui, alii quidem choreas ducunt, alii Equum ligneum conscendant, seque magna corporis agilitate circumagunt.*

## MILITUM DUCTOR

Fabius Carandini.

## MILITUM INSTRUCTOR

Michael Spinellus.

## SIGNIFER

Joannes Dominicus Lomellini.

Jo: Petrus Arrivabene.  
Nicolaus Mancinforte.  
Octavianus Justiniani.  
Ludovicus Baldeschi.  
Henricus Testaferrata.  
Melchior Falsoni.  
Michael Lecce.  
Raphael Galeani.  
Galvanus Landi.  
Ambrosius Serra.  
Carolus Serra.  
Paulus de Bubalo.

Marcellus Gherardi.  
Jo: Philippus Marucelli.  
Carolus Albani.  
Antonius Sormani.  
Antonius Cauriani.  
Operandinus Arrivabene.  
Ferrantes de Cardenas.  
Joseph Gama.  
Joannes Gama.  
Lactantius Lactanzi.  
Joannes Baptista Bolognini.  
Dionysius Toruzzi.

## CHOREAM DUCUNT

Ludovicus Baldeschi, Melchior Falsoni.

## EX EQUO LIGNEO LUDUNT

Hercules Oddi, Leonardus Tempi, Nicolaus Capece.

# ARGUMENTUM

## ACTUS TERTIUS

**G**ratulabatur sibi Pantocrator extincto, ut audierat, perduelli reo : cum ecce tibi coram adesse illum videt letum, ac mutato cultu. Accedebat nimirum, ut Regi gratias ageret, quem placatum Theander affirmaverat. Stupet Rex mirum in modum. At multò magis obstupescit, cum periisse ipsam Theandrum audit, ac necem pro amico subiisse. Ira, furore, odio, amore percitus & jactatus diu, eò demum adducitur, ut in Theandri honorem Protoplasto, ejusque liberis ignoscat.

# ACTUS III.

## SCENA I.

*Pantocrator, Dicaemus.*

*Pant.  
Pant.  
Pant.*



**R**EUS imperatas num dedit pœnas? *Dicaf.* Dedit.

Et nesciente filio? *Dicaf.* Factum id reor.

Bene habet, Patronus ille ne nobis reum

Subduceret, severa ne jussa, & manum

In mitiorem flecteret partem, hæcenus

Timuisse fateor. Scilicet miros habet

Natura sensus! Tela jam fermè mihi

Extorserat, jam placidus, & clemens eram,

Positoque genitor judice ad veniam impio

Dandam ferebar. Sic fit, evelli nequit

Amor paternus. *Dicaf.* Comprimi tamen is potest,

Debetque, cum justitia, cum leges jubent.

## SCENA II.

*Protoplastus, Pantocrator, Dicaemus.*

*Pant.  
Pant.  
Pant.*

**Q**uis ille! *Dicaf.* Superi. *Prot.* Genibus advolvat sine.

Scelerate, vivis? *Prot.* Munus hoc, Princeps, tuum est.

Quis tibi catenas abstulit? *Prot.* Frater. *Pant.* Vides

Quò nos Theander adigat. Unde autem nova

Vestisque, & oris habitus, & formæ nitor?

Reumne cultus hic decet? *Prot.* Amicum decet,

Ac restitutum gratiam in veterem. *Pant.* Vide

Ut improbus laceffit, ac nobis malè

Insultat! Unde gratiam, & veniam tibi

Tandem arrogasti? Quis tibi hanc spem, quis fidem

Fecit? *Prot.* Theander. Ille mutatum, & suis

Te mitigatum precibus asseruit: fidem

Habui asserenti. Quòve dubitare minus;

Fidei

## T E R T I U S.

29

Fidei, & amoris pignus hoc nobis dedit,  
Hac ille credi tessera voluit sibi.

*Pant.* Hæc gemma nati est. Nempe non vanus mihi  
Hoc animus augurabat. Infelix amor,  
Tibi, mihiq; nate, funestus? Foves  
Hostem parentis, ac tuum. *Dicaf.* Et amor nimis  
Indulget, ac ne pergat, & fontem neci  
Eripiat, aut vim forte majorem pareat,  
Precibus repulsis, provide. *Pant.* Aspectum fuge,  
Atrumque repete carcerem, pœnas statim  
Meritas daturus: debitam, ut jussi, necem  
Præseus venenum properet: ac factum id modo  
Renunciabat licitor: unde isthuc moræ est?  
Obstare si quis ausit, ac morti reum.  
Eripere tentet, capite, vel natus, luat.

## S C E N A I I I.

*Pantocrator, Dicafmus.*

*Dicaf.* **S**I quid morarum, si quid est periculi,  
Causa est Theander. Hic reum enixè cupit  
Servare, & illum capite non dubitet suo,  
Sic est amor, redimere. *Quin,* illud putat  
Sibi decorum, pro reo, & misero mori.

*Pant.* Istud videndum, nequis aut furor, aut amor,  
Abducat illum longius. *Dicaf.* Nunquam est satis  
Provisum amorem contra. *Pant.* Et id rectè facit,  
Dulce ac decorum cum sibi, ac nobis, putat  
Servare miseros: Patre quod dignum est, sapit.  
At sancta legum jura servari tamen,  
Clementiæque decuit imponi modum.

*Dicaf.* Eubulus autem... *Pant.* Quo gradum celerem rapit?

## S C E N A I V.

*Eubulus, Pantocrator, Dicafmus.*

*Eub.* **H**EU Rex! periit. *Pant.* Perire debuerat prius.

*Eub.* Natus... *Pant.* Precari desinat tandem. *Eub.* Periit.

*Dicaf.* Quid iste gemitus? *Pant.* Loquere: quis... *Eub.* Natus periit.

*Pant.* Periit Theander? *Eub.* Ipse semianimis jacet  
Repertus ipso in carcere. *Pant.* Ah fili! Necem  
Quis nam intulit? Sibine violentas manus  
Ipse attulit? *Eub.* Amor potius optanti attulit.  
Modo Protoplasti sumpserat vestem, & locum,  
Noctem per atram dum reum licitor putat,  
Et vim veneni frigidam ignarus jubet  
Ebibere, lætus hausit, exanguis jacet.

*Pant.* Ah nate? Sic nos fallis, & sic hostem amas?

## A T T U S

*Eub.* Reperta tantum est littera; ipsius manu  
 Signata, scripta sanguine. *Pant.* Infelix Pater?  
 IGNOSCE GENITOR, NATUS HOC MORIENS ROGAT.  
 Vivat scelestus? Egone ut ignoscam? Necesse  
 Per mille rapiam potius. *Eub.* Hoc natus rogat  
 Unumque poscit. *Pant.* Filii ultorem vides?  
 TIBI SIT ILLE FILII, GENITOR, LOCO,  
 SI NOS AMASTI, Filii ut mihi sit loco  
 Servus, rebellis, proditor? *Eub.* Natus rogat,  
 Servo negas, rebellis, & ingrato negas,  
 Da Filio, te natus, & moriens, rogat.

## S C E N A V.

*Protoplastus, Alexius, Carilus, Pantocrator, Dicastrmus, Eubulus.*

*Pant.* **T**EN parricida video? *Prot.* Tibi sisto reum,  
 Princeps, fatentem. *Pant.* Quis fatelles impium  
 Haurit cruorem, mille quis diro necesse  
 Capiti rependit? *Prot.* Crimen hoc non est meum,  
 Sed amoris: in me confero totum tamen,  
 Ultroque mortem deprecor: pœnas trahe  
 Meritum per omnes, dira suppliciaingere.

*Pant.* Scelerate? *Prot.* Fateor sceleris haud isthuc parum est,  
 Quod sic amari potui: at hoc ipsum tamen,  
 Et si quid ante sceleris admissum est, precor,  
 Ignosce nato, si mihi, ut merui, negas  
 Ignoscere: illud filius moriens petit:

*Al. Car.* Ignosce. *Prot.* Tum, si perditum me vis, seca,  
 Distende, lacera, sanguine & nostro rogam  
 Perfuade gnati, sic juvet amicum sequi.

*Eub.* Ignosce, *Pant.* Quò se, quò meus vertet dolor!  
 Sœvire nequeo, gnatus hoc moriens vetat:  
 Reumque propria morte servari jubet.  
 Ergo ille sic inultus evadet? Meo  
 Dolore sic fruetur, & nati necesse?

## S C E N A VI.

*Protoplastus, Alexius, Carilus, Eubulus.*

*Eub.* **S**Perare jubeo. *Prot.* Moriar, hoc unum precor  
 Speroque. Nostrium luere sic fas est scelus:  
 Esse innocenti sic licet. *Eub.* Veniam annuet,  
 Pacemque Princeps. *Prot.* Sic parentare optimis  
 Manibus, amico sic litare, & gratiam  
 Referre præstat: sanguinem, & vitam dedit,  
 Vitam, & cruorem debeo. Ut moriar sine,  
 Superque amici corpus incumbens cadam  
 Confossus alto vulnere. At frustra tenes.

*Eub.*



## T E R T I U S

31

- Eub.* Quin vive amico potius. *Prot.* Ut vivam? *Caril.* Has vices  
Unas Theander postulat. *Alex.* Vive, ah Pater!  
*Prot.* Vivam sceleratus? *Eub.* Si male perire obstinas,  
Perierit ille frustra, & incassum necem  
Vicariam Theander obtulerit patri.  
Perire, modo tu viveres, tanti huic fuit.  
*Alex.* Hoc, ille cur occideret, hoc unum fuit.  
Regi advolutus, gratiam, & pacem roga.  
*Caril.* Dicamus ecce properat.

## S C E N A VII.

*Dicafimus, Eubulus, Protoplaslus, Alexius, Carilus.*

- Dicaf.* **A**D sese evocat,  
Jubetque Rex adesse. *Prot.* Placatus? *Dicaf.* Furor  
Paulum remisit, filio vos, & scelus  
Donare statuit, moxque restituet gradu  
Primo repositos: credite. *Prot.* O miras vices?  
O restitutam perditio generi tua  
Vitam, Theander, morte! *Alex.* Lucem candidam!  
*Caril.* O dulce nomen! *Alex.* O Theander! *Caril.* O amor!  
*Prot.* Nati, per illum vivitis, at illi mori.  
Hoc restat unum deinde, & illi vivere.  
*Alex.* Vivemus illi, genitor, & si quā vitam  
Fortuna felix aperit, ac dexter polus,  
Moriemur illi. *Caril.* Tene sic nostra mori  
Causa, Theander! *Prot.* Quam dedi vitam, volo  
Reddatis illi. *Caril.* Quid, Pater, vitæ brevis  
Usura profuisset, atro in carcere  
Si fæda scelere vita perpetuos foret  
Inter labores, mortis & diræ metum  
Trahenda? *Alex.* Quid te, genitor, ò luce hæc mihi  
Carior, adempto, vita juvisset? Salus  
Nunc parta nobis, parta libertas, Pater  
Demum ipse natis redditus, nati Patri.  
*Caril.* O nos beatos, ò diem faustam! *Alex.* Lues  
Sanata diri sceleris, infamis nota  
Deterfa, pulsus hostis. *Prot.* Uni hæc omnia  
Accepta, nati, fertis: *Caril.* Hic nostros sibi  
Æternum amores vindicat. *Alex.* Servet sibi  
Habeatque. Frater, quid tibi est animi? *Caril.* Hoc dolet  
Superfitem quod ista me cernat dies,  
Necdum Theandro moriar. *Eub.* At tu? *Dicaf.* Pristina  
Omitto tandem jurgia, & tecum libens,  
In gratiam redire me fateor: nefas,  
Ubi mitigatus pæna Rex posuit, meam  
Uterius iram pergere: amplexum cedo.  
Vos, ite Regi supplices, priscos metus  
Exuite, certa est venia, merori, malis,  
Belloque, pax, & longa succedet quies.

F I N I S.

Tra-

*Tragica jam Fabula peracta,  
Roma redit in Scenam;  
Præcuntibus, ut in Prologo, ejusdem Urbis quatuordecim Vexilliferis,  
qui præmia etiam deferunt,  
prestantissimis in Rhetorica, in Humanioribus litteris, & in Grammatica,  
Seminarii Romani Scholasticis  
donanda.*

## R O M A.

**B**E NE habet: abunde est: vota vicistis mea:  
Virtute macti, & pergitæ.

Talibus alumnis Roma nil veteri nova

Concedat: & priscae nihil

Scenæ requirat decora, cum rosam, & crocum

Perambulare Fabulæ.

Spectator eruditus quod vobis diu

Silentium, & plausum dedit;

Ille, ore tacito quem gerit præ se, favor

Hæc vestra sunt præmia.

Nunc alia nobis, quæ ferax Pindus tulit,

Sunt dividenda præmia.

Doctarum habetis, en, coronas frontium

Parnassii spoliū jugi.

Has capite, vestra dividi ætutū manu,

Ut quisque prodibit, placet.

Quemcumque Musa potior, & meriti arbiter

Apollo, Victorem offeret,

Hunc festa late tympana, & tubæ, & lyræ,

Vocesque Victorem canant.

Illius ipsa nomen, & memori decus

Auroque, cedroque imprimam.

Jubebo fastis inseri: hoc dorso alite

Æterna Fama devchet:

Adamante puro sculpet Historia, & procul

In longa mittet sæcula.

*Qui in Arte Rhetorica ceteris prestiterunt, publicoque sunt præmio  
donati in Seminarii Romani Theatro.*

*Primum præmium pro soluta numeris oratione consecutus est COLOMANUS  
HAMERANI SEM. ROM. ALUMNUS.*

*Secundum præmium AUGUSTINUS GRIMALDI.*

*Primum præmium pro vineta numeris oratione JOANNES A VERAZZANO*

*Secundum præmium JOSEPH DURAZZI.*

*Primum præmium pro conscribendis latinis Epistolis JACOBUS AIROLI.*

*Secundum præmium pro conscribendis Italicis Epistolis LAURENTIUS  
BONZI.*

*Qui in Humanioribus litteris præ ceteris ad eandem Præmiorum distributionem sunt appellati :*

*Ad primum præmium pro soluta numeris oratione* JOANNES PETRUS ARRIVABENE.

*Ad secundum præmium* CAROLUS ALBANI.

*Ad primum præmium pro vincula numeris oratione* GEORGIUS BOSDARI.

*Ad secundum præmium* HIERONYMUS HERBA.

*Ad præmium pro conscribendis Epistolis* JOANNES PAULUS SEBASTIANI SEM. ROM. ALUMNUS.

*Qui in suprema Grammaticæ Classe præmium sunt adepti.*

*Primum præmium pro soluta numeris oratione* CAROLUS SERRA.

*Secundum præmium* OCTAVIANUS JUSTINIANI.

*Primum præmium pro vincula numeris oratione* CAROLUS PORRO.

*Secundum præmium* JOANNES GAMA.

*Qui in secunda Grammaticæ Classe præmium obtinuerunt.*

*Primum præmium Comes* CAROLUS ALBANUS.

*Secundum præmium* JOANNES PHILIPPUS MARUCELLI.

*Tertium præmium* PAULUS DE BUBALO.

*Qui in infima Grammaticæ Classe præmium sibi compararunt.*

*Primum præmium sibi comparavit* MICHAEL SPINELLI.

*Secundum præmium sibi comparavit* OPERANDINVS ARRIVABENE.

*Unus ex Sic litterarum gloria, & vivax honor*

*Aetiori- Floret. Jacent artes; nisi*

*lus. Stimulus amicæ laudis, & spes præmii*

*Blandum laborem mulceat.*

*Rom. Sic est. Abire rixa me cogit gravis :*

*Illam excitastis. Audiit*

*Quicumque doctis artifex studiis viget,*

*(Quæ multa viget hic natio)*

*Qui sacra superum jura, legesque explicat,*

*Et cælitum ritus docet ;*

*Arcana qui naturæ, & ignotas pede*

*Rimatur incerto vias ;*

*Qui ducit ora marmore in vivo ; & rudî*

*Spirare saxo mortuos*

*Jubet ; æra molli rigida qui cælo polit :*

*Hos ardor omnes æmulus*

*Excivit : audivete quid vestrum modo*

*Strueret lyceum . Libera*

*Invasit animos omnium indignatio :*

*Laudare quem Phæbus potest ,*

Laudare nobis, inquit, promptum est, neque  
 Concedimus Phæbo : nihil  
 Illic verba preterdonat, & inanes sonos,  
 Scenæque fulgorem brevis.  
 Nos opera, feri quæ nepotes prædicent,  
 Ætasque miretur vetus,  
 Quis parcat ævi livor indocilis, damus :  
 Nec blanda nos merces movet,  
 Et præmiorum certa spes animos rapit ;  
 Satis Beati Principis  
 Ornavit artes, præmii satis dedit,  
 Prolixa liberalitas :  
 Huic nos referre gratiam, ut par est, juvat,  
 Laudesque justas pendere :  
 Nec solus ista laude Phæbus gaudeat,  
 Reliquas & artes prægravet.  
 Nos ista lex officii, & obsequii movet.  
 Sic artium præses cohors  
 Vestri æmulata gloriam Pindi, fremit,  
 Litemque vobis irrogat.  
 Ibo, innocentis jurgii ut cito comprimam,  
 Vel potius accendam, faces.  
 Neque nos pigebit, quamlibet pacem colant,  
 Musæque rixas oderint,  
 Ansam huic dedisse jurgio. *Rom.* Faxit polus  
 Superique faciles annuant,  
 Europa, sævi Martis ut tandem immemor  
 Hæc bella duntaxat gerat.

*Unus ex  
 Auctori-  
 bus.*



*Haslatis secutibus ROMÆ in Scenam redeunt*

*Viam sternunt*

Julius A Vulpe.

Nicolaus Capece.

*Finem facit*

C H O R E A

Philippi Insaghi.

Joannis Baptistæ De Mari.

Joannis Nanti.

Ludovici Baldeschi.



CLE-

# CLEMENTI XI.

P. O. M.

SEMINARIJ ROMANI RHETORES

FOELICITATEM.



CLEMENTEM XI è Vaticanis ro-  
stris dicentem ad Populum, exhibui-  
mus, BEATISSIME PATER. Super-  
est solum, ut post exhibita Romæ spectacula, augustum  
aliquod Tibi, hoc est tanto par Principi, spectaculum  
exhiberemus. Tuum igitur in conspectum damus Ro-  
manos illos Pontifices, cum quibus communem habes  
dignitatem & nomen: adderemus etiam virtutem, nisi  
quod

quod eo solum consilio Prædecessores Tuos laudibus exornandos suscepimus; ut, quamvis inviti, abstinere-  
mus a Tuis: rati; gratissimum Tibi futurum silentium nostrum; quantum modestiæ Tuz ingratum accidit Laudantium murmur, & strepitus. Et quidem nostræ lætentes quodammodo, & teneræ musæ non ità facilè contineri potuerunt; ne laudum argumenta desumerent; unde patebat major laudandi materies, & copiosior virtutum seges offerebatur. Vicit tamen obsequium erga Te nostrum: vicit audaciam voti modestiæ Tua: evolutisque veterum Pontificum fastis, eorum gesta laudamus, quos olim laudavit Antiquitas: Virtutes verò Tuas, à quibus certam Europæ salutem, atque adeò Catholici Orbis felicitatem præfens ætas expectat, aut tubis grandioribus, aut, si semper avversaberis laudes, exornandas Posteris relinquemus. Et quoniam litterarium hoc nostrum solum, & avitam nostri stemmatis Sylvam Pontificia Tui Patrocinii umbra defendis, & Gentilitio Syderis Tui influxu ad fertilitatem invitas; id unicè oramus: ut eà, qua cæteras artes, in Capitolio quodammodo repullulantes, benignitate complexus es, eadem etiàm in Seminarii nostri solum benevolentia Tuz fontes affluentèr adeò derives; ut Tuum BEATISSIME PATER beneficium sit, nunc quidem, si studia nostra refloriscant: postea verò, si, perductis ad suam maturitatem frugibus, tanti Principis culturæ respondeant.

# CLEMENS I. P. M.

*Incolument Matri servat filium, qui undis supervenientibus in ipsius  
Templo remanserat.*

## E L E G I A.

**G**RANDIA Clementis surgebant Æquore in alto  
 Angelicâ nuper condita templa manu.  
 Una dies tantum hinc votis conceditur, illâ  
 Elapsâ, reduces regrediuntur aquæ.  
 Immissa huc reliquis, magna & comitante caterva,  
 Cum puero venit solvere vota Parens.  
 Immemor at nati genitrix, vestigia tardum  
 Sive sequi credat, testâ relicta petit.  
 At puer in scopulo desertus arundine pisces  
 Captat, consuetos instituitque jocos.  
 Noctifer interea surgebat Vesper Olympo,  
 Salsaque desertas occupat unda domos.  
 Ut vidit vitreas in stagna liquefcere rupes,  
 Seque puer mergi, jam superante freto;  
 Hinc fugit, inde redit: subito modò territus hæret:  
 Querit & unde viam nulla retardet aqua.  
 Auxilium vocat ille Patris, vocat ille Parentis:  
 Sed tamen, auxilium qui dare possit, abest  
 Quid miser hic faciat? Nullam sperare salutem  
 Fas est: spes misero non erat ulla fugæ.  
 Tempa ergo Matrem quærens deserta revisit:  
 Sub mare sed refuuo templa scûpulta jacent.  
 Interea Genitrix nati memor aspicit, ultro  
 An veniat passu post breviorè puer.  
 Ast ubi mæsta suum redeuntem è littore natum  
 Non videt, illa redit: sed, negat unda viam.  
 Unda etenim sacram fluctu submerferat ædem,  
 Atque oculis olli nil nisi lympha patet.  
 Extinctam ut credit prolem; diu flevit, & unda  
 Cum rapida fletus miscuit illa suos.  
 Totum Phæbus erat cursu dimensus olympum,  
 Clementi sacrum reddideratque diem.  
 Ad Templum Prolis Mater non immemor, ossa  
 Ut saltem reparet luce ineunte redit.  
 Jam Mare, tranquillum placidis excefferat oris,  
 Incolumem natum cum videt ista suum:  
 Illicet accelerat gressus, bis terque repertum  
 Amplecti tentat, terque repressa manus.  
 Tene igitur, nate, aspicio, vel prolis imago  
 Venisti culpas insimulare meas?  
 Ergo! Sed ut veros vultus cognovit & ora;  
 Te incolumem reddit quis mihi care puer?  
 Ah nosco; incolumem mihi nunc te reddit ab undis

Clemens; Clementi debita vita tua est.  
 At quoniam in nato Genitrix vivente revixit;  
 Cum salva vivat jam tibi prole parens.

*Jacobus Maria Ayrolis Sem. Rom. Conv. & Rhetor. novus.*

## CLEMENS I. P. M.

*Cum Anchora collo illigata in Mare demergitur.  
 Anchora in Corallium*

### METAMORPHOSIS.

UNDE rubens primum falsis provenerit undis  
 Arbor, & incultis pretiosa Corallia ramis  
 Ditarint Scythicum, Nymphis mirantibus, æquor;  
 Expediam. Tu Dive (tuo nam Numine, Clemens,  
 Explicat obliquos pro dentibus Anchora ramos.)  
 Huc ades: & nostris felix allabere captis.

Quà sese Euxina miscet Mæotis in unda,  
 Cæruleos latè medio secat æquore fluctus  
 Assurgens tellus, quam, ni brevis ambiat Isthmus,  
 Insula parva foret. Clemens hic, Urbe relicta,  
 Pulsus ob invidiam tacitos inglorius annos,  
 Ingentes ultro jam dedignatus honores,  
 Paupere vivebat tecto, exiliumque ferendo,  
 Dulce sibi effecit, nec iniqua mente ferendum.  
 At non, Romulea quamvis distaret ab Urbe,  
 Et quamvis proprio distaret Pastor ovili,  
 Divisus pecori est, curasque oblitus ovilis,  
 Errantes etenim pecudes, sit quamlibet exul,  
 Cogit, & invigilans proprium in præsepe reducit.  
 Invidit Latiae Dominator barbarus Urbis,  
 Utque gregem perdat, demersum perdere in undas  
 Custodem jubet, & spes assurgentis ovium.

Fortè sacro Indigenas lustrabat flumine Clemens,  
 Et sacras leges, Fideique arcana docebat;  
 Cum Lictor latii jussum crudele Tyranni  
 Intonat, & certas sævus denunciat iras.  
 Audit, & arridens forti, Lictoris in ulnas  
 Se dat sponte sua, tandemque, ò funere acerbo  
 Occumbam, dixit. Quæ Crux, quæ debita nostrum  
 Dic age, poena fero lacerabit vulnere corpus?  
 Hæc nostræ spes una fugæ, verumque malorum  
 Solamen fuerit, miseros quod finiet annos,  
 At vos, ò Socii, modò quos jam linquere fas est,  
 Ite ite, & fortes per mille pericula vestras  
 Obsecrate animas, sævæque occurrите morti.  
 Non mors illa dabit mortem: vos vita manebit

Alte-



Altera, quam nulli poterint violare Tyranni.  
 Talia dicebat, palmasque ad sydera supplex  
 Tendere cum vellet, palmas post terga ligari  
 Sensit, & ingenti curvari pondere collum.  
 (Pondus erat flexo pendeus gravis Anchora collo)  
 Tunc fortunatum nimium nimiumque beatum  
 Se Clemens læto ore vocat: furit improbus ira  
 Miles, & æquorcas raptarum sævus ad oras  
 In medias immergit aquas; ceu fulmen ab alto  
 Ille ruit præceps, donec jam fixa profundo  
 Anchora jactatum medias detraxit in undas.  
 Nereus excepit corpus, tumulumque marinis  
 Instravit Conchis, fulvoque intexuit auro.  
 Illa diu gravitate sui detenta sub undis  
 Hæserat: haud illam sævæ versare procellæ.  
 Nec rigidæ potuere hyemes: radice moratur  
 Firma solo, serpitque tenax per viscera terræ:  
 Quæque prius curvos nectebat brachia ramos  
 Anchora, nunc cespes pandit sua brachia ramos.  
 Utque rubescebat multa rubigine ferrum,  
 Nunc etiam retinet, quamvis mutata, ruborem.

*Joannes à Verrazzano Scw. Rom. Conv. & Rector novus.*

## CLEMENTIS I. P. M.

*Sub Daphnidis nomine mortem Damon deflet.*

### E G L O G A.

**F**ORTE' sub umbrosa confederat ilice Damon,  
 Quà rivus tremula surgebat vitreus unda:  
 Hic postquam longo defunctum Daphnida luctu  
 Dessevit Pastor; sic vocem in verba resolvit.  
 Daphni decus nemorum: Pastorum gloria Daphni,  
 Me tibi quis subitus Deus abstulit? Aspera nigro  
 Turbine non aliter grando populatur aristas:  
 Non aliter tepido lactens rosa carpitur Austro.  
 Hoc fuerat, dum nostra suos tibi traderet agnos  
 Insula, quod sicca prædixit ab ilice cornix.  
 At tu sive datum dedignareris honorem:  
 Seu tibi venturi mens esset præscia fati;  
 Pascat oves, memini, dixisti, pascat Amyntas,  
 Aut Linus, aut Cletus: lævi quorum alter avena  
 Mulcet oves: alter teneros educere sætus  
 Novit, & infestos prohibere ab ovilibus Urfos.  
 Sive Linus, seu Cletus, oves seu pascat Amyntas;  
 Errabunt sylvis tuti cum matribus agni:  
 Cumque hædis tutæ tondebunt prata capellæ.  
 Et tamen in sylvis etiam sub Daphnide tutæ

Errastis, pecudes ; etiam sub Daphnide tutæ  
 Tondebant querulis cum fætibus arva capellæ.  
 Non illis unquam virides nocuere colubri :  
 Non lupo, aut plenis inimicus ovilibus Urfus.  
 Quin etiam, arcutes cum Sirius ureret agros,  
 Et sylvis deessent frondes, & fontibus undæ ;  
 Reddebat frondes sylvis, & fontibus undas ;  
 Majorique dabat decurrere flumina rivo.

Tu mihi, qui querulo labens cum murmure, dulcè  
 Obstrepis, & pura fugiens argenteus unda  
 Vicinas sylvas, vicinaque gramina lustras,  
 Rivule, testis ades : Tu marmor inutile quondam,  
 Nec fueras nisi nuda silex : Inimica negabas  
 Et pecori hospitium, & pecoris custodibus umbram :  
 At postquam arbuteæ sensisti vulnera virgæ,  
 Et tetigit te Daphnis ; aquæ venere vocatæ  
 Illicet, & jussis strepuit fons vitreus undis :  
 Et jusso impuras absterfit fonte capellas.  
 Quod si rursus aquas tibi Sirius auferat : & si  
 Quas dedit ille tibi, lymphas siccaverit æstas ;  
 Unde tibi amissos reparabis fonte liquores ?  
 Daphnis abest : medio tumulatur in æquore corpus :  
 Cui tumulum posuere Deæ Nereides : omnis  
 Huc Pastor pia dona ferens properabit, & unda  
 Decedente ; sacro venerabitur ossa sepulcro.  
 Parte tamen meliore sui super astra superstes,  
 Nunc alias sylvas habitat, melioraque nostris  
 Rura colit, vivitque alio sub sole beatus.  
 Non æstum timet ille gregi, rigidosque Decembres :  
 Non oculum metuit, teneros qui fascinet agnos.

Vos ò vos viduæ valles, fluviique loquaces,  
 Aerici montes, atque hospita montibus Echo,  
 Lugete æternum. Pastorum gloria Daphnis  
 Occidit, & vestro periit cum Daphnide splendor.  
 Ut vitis decori est ulmo sociata marito :  
 Ut muscus fonti, vel pallida populus amni :  
 Ut valli decori est, tremulo qui gurgite rivus  
 Lactentes tenerasque rigat crystallinus herbas :  
 Sic Daphnis decori sylvis fuit. Ærea falso  
 Anchora sed postquam demersit Daphnida fluctu ;  
 Nec vitis decori est ulmo : nec populus amni :  
 Nec fonti muscus : nec fons crystallinus herbis.

*Joannes à Verrazzano Sem. Rom. Conv. & Rhetor novus.*

# CLEMENTIS II. P. M.<sup>41</sup>

*Templum Martirii die, recedente Mari, aduentibus  
aperitur.*

## EPIGRAMMA.

**A**NCHORA naufragium medio parit æquore CLEMENS,  
Jactatas norat quæ retinere rates.  
Sed tua dum veteres nunc exiit Anchora mores;  
Miranti discit tradere jura mari.  
Isacidum Pubes vidit pendere procellas,  
Imperium virgæ cum maris unda tulit.  
Anchora sed veteris vincens miracula virgæ;  
Naufragio in medio sæpè recludit iter.

*Laurentius Grimaldi, Sem. Rom. Conv. & Rhetor novus*

# CLEMENS II. P. M.

*Breve somnium, seu brevis Orbis felicitas.*

## PHALEUCIUM.

**V**IDIT syderea miserta ab ara  
Obscœnum Pietas verenda virus  
Infernis reducem diu catenis  
Ejectare luem, nefanda sacro  
Quæ figit pretium Dei cruori,  
Et sanctum redimens avara munus,  
Quod nescit pretium, locaret auro.  
Vidit Teutonica nefas in aula  
Plusquam polybaphio rubere furo,  
Dum plusquam Getico Tyrannis ense  
Atrox nobilius petebat ostrum,  
Quærens dedecori decus sub ostro.  
In dignos abiit repulsa questus  
Et questus in opem fidelis armat.  
Æternæ latebras corusca mentis  
Longævas radio legit futuro,  
Sed mens luctificum premebat Orbem.  
At non perpetuo catena nexu  
Luctus ter querulum gravabit Orbem,  
Sit monstris aliquis modus cruentis,  
Et fato redimat diu negatas  
Pax horas acrior volente cœlo  
Mox vivat breve somniumque Mundus.  
Vix hæc, luctifici secundus Orbis  
Jussusque Imperium subire CLEMENS.  
Olli Teutonicas diu per umbras

Visum errare nefas, gemenſque miris  
 Per noctem tenebras movere formis,  
 Viſus parte Polus tonare læva.  
 Labes augurium Tonantis horret,  
 Et præceps folio repulſa ab alto  
 CEMENTI arbitrium ſub orbe ceſſit,  
 Nil hæſit, cupidi decuſque Regni  
 Henrico addidit in Troni decorem.  
 Suos Relligio videt triumphos,  
 Grataturque ſibi, Polumque linquit,  
 Authori ut meritas vices rependat.  
 Et jam Romuleas tenebat arces;  
 Nummatum media ſub arce monſtrum  
 Venales adhibere ſentit agros,  
 Mitratosque lares, gemit, minasque  
 Fœcundas quatiens ſuperba pœnis,  
 Deſtatur opes manu rebelles,  
 Et Monſtrum vacuos alens furorcs  
 Victrix Tænaris coerces umbris.  
 Partis impavidus ſibi triumphis  
 Devictisque Polo ſuperbit Orbis.  
 Regnator famuli inſulatus Hæros.  
 Lætatur Pietas, ſatiſque mundo  
 CLEMENS conſuluit tumultuoſo,  
 Æternæ validumque legis omen  
 Negat Pace frui remotiori.  
 CLEMENS eripitur, ſeneſcit Orbis;  
 Unum de Luc ſomnium triumphat  
 CLEMENS unica ſomniique origo,

*Julius à Vulpe Sen. Rom. Conſ. Et Rhetor Veteranus.*

## CLEMENTIS II. P. M.

### ELOGIUM.

Pontificio inauguratur imperio  
 CLEMENS Secundus,  
 Ut Primo Pontificatus anno  
 Regnare deſinat.  
 Novum fortunæ onomaſticum,  
 Imperium donat,  
 Ut  
 Imperio exuat  
 Patitur in Subditos Regnantis Imperium,  
 Ut mortis ſuſſit Monarchico  
 Ne quæras in CLEMENTE, pluſquam Pontificem,  
 Dum Pontificem non vixit,  
 Nempe Pontificis diſturbitatem.  
 Orbi conceſſus in pœnam,

Ut

Ut acrius optaret extinctum.  
 Sceleribus objectus  
 In scelerum felicitatem;  
 Violentius coercita  
 Violentius haustura gaudium  
 Præterita calamitatum recordatione.  
 Aliquid tamen morti debetur,  
 Non eripuisse,  
 Nisi sensisset  
 Quid esset regnare;  
 Nisi novisset, se addictum Orbi,  
 Qui suo viret sub Imperio,  
 Suo sub dominatu  
 Juvenesceret in virtutem.  
 Nisi dicendum velis,  
 Abstinuisset à Privato,  
 Ut magnificentior ferveret  
 Felicitatum in cumulo.  
 Novit Henricus,  
 Cui Germanum à CLEMENTE oblatum Imperium,  
 Quid impertiri posset maturus,  
 Si Tiro largiretur Imperia.  
 Conjuravit properata mors,  
 Ambicens,  
 Ne sibi nobilius usurparet Imperium,  
 Vitæ scilicet,  
 Et suum;  
 Unde cogeretur à Perituro  
 Pereundi expetere facultatem.  
 Utrum famulatae virtutes sint,  
 Ne quæras.  
 Habet Ostrum,  
 Unde alliciat,  
 Unde blandè cogeret  
 Habebat CEMENS Secundus  
 Secundus nemini.  
 Extimuit Regnaturum labes,  
 Quæ iners Christi Sanguinem emit;  
 Quo venalis à Christi prohibenda aspectu.  
 Trahit quasi in vinculis Agnum  
 Quocumque pergit,  
 Agnum in Cælo non sequutura,  
 Quocumque jerit.  
 Parvi pendit Christi Sanguinem  
 Si pretiò sabbatistæ prodiga,  
 Et pretium demit!  
 Esset in pretio  
 Medium.  
 Quid agendum supererat,  
 Nisi mori?

Ut

Ut, quod deponerat Imperium,  
 Nobilius pararet in Cœlo?  
 Diademate dignus  
 Cujus effluebant è manibus  
 Vel Diademata?  
 Quid optaret moriturus,  
 Nisi pretio potiri,  
 Cui denegarat pretium?  
 Quid expeteret viduus Orbis  
 Nisi parem?  
 Quem cum fœnore optasset,  
 Optione librata futurorum,  
 Nisi CLEMENTEM UNDECIMUM?

*Comes Julius à Vulpe Sen. Rom. Conv. & Rhetor Veteranus.*

## C L E M E N S III. P. M.

*Christianis Principibus Hierosolimitanam expeditionem suadet.*

### C A R M E N.

**E**Rgone, Divino maduit quæ sanguine tellus:  
 Quæ, Puero dignata Deo, dilecta Tonanti,  
 Incedit Regina Orbis, Reginaque Cœli,  
 Es terris major sibi plaudit, major & astris.  
 Nunc Scythicis oppressa gemet per sæcla catenis,  
 Et feret Odrysiæ signa insultantia Lunæ?  
 Non ita. Vos ò vos, Populos qui lege tenetis,  
 Magnanimi Reges: quos supplex Orbis adorat:  
 Quos tellus, pontusque tremit, date carbasa ventis:  
 Armatae spument per Cypria Cœrula puppes,  
 Et facer Isacias Mavors excendat in oras.  
 Eja agite, & justos laudanda in bella furores  
 Concipite, ò Proceres, magnum olim in nomen ituri.  
 Nunc animis opus est: nunc illas promere vires,  
 Quæis quondam, dum bella juvant, Martisque furores,  
 Fœdastis Latios per mutua vulnera campos.  
 Ergo agite, ò Reges: socias convertite classes,  
 Quo vos Terra vocat, Puero dignata Tonante:  
 Quove catenatus captivas devehit undas  
 In Mare Jordanis, Geticoque invita Tyranno  
 Heu! debellatas palmas submittit Idume.  
 Si consanguineis Europam scinditis armis;  
 Dicite, quæ vestris accedet gloria Turmis?  
 Quosve canet vivax post funera fama triumphos?  
 Silicet hoc ingens decus est: hæc gloria solum  
 Ad feros veniet post ultima fata Nepotes;  
 Vestra Palestinam redimant si prælia Terram.  
 Quæ mora Romanas Aquilas: quæ Lilia tardat?

Quæ

Quæ mora Victores ingloria tardat Iberos?  
Jam Pisæa volet Tyrrheno remige classis:  
Jam Siculum spumet, remis ferientibus, æquor.  
Tuque etiam, ò quondam sedes auctura Beatas  
Regibus, & magnis auctura altaria Divis,  
Anglia, sterne rates Pelagoque immitte sereno.  
Sic non ulla, suis quam circumplectitur undis  
Nereus, belligera certet tecum Insula laude.  
Et dubitatis adhuc Reges? Vocat ecce secundus  
Vela Notus, poscitque rates: Pontusque superbit.  
Tam sanctum Isacias bellum transmittere in oras.  
Non deerunt tantæ laudi sua præmia: Vestris  
Accedet Solime titulis, accedet Idume.  
Vestra erit hæc tellus: & vestris serviet armis.  
Hæc belli merces; dabit altera præmia Virtus.

*Laurentius Fius Bonzi Sem. Rom. Conv. Et Rhetor novus.*

## C L E M E N S III. P. M.

*Pacatis Europæ motibus Christianorum Principum arma in Palestinam  
expeditionem convertit.*

### C A R M E N.

UT primum triplici fulgens terrore Potestas  
Prestit adoratum Populis Caput; Orbis & arcem.  
Implevit CLEMENS, vasti spes Tertia Mundi;  
Forte Senex, cujus menti moderator Olympi  
Se totum spectare dabat, flammatus ab alto,  
Prodere venturi cœpit præfagia Regni.  
Maeste, ait, à summo Majestas prima Tonante  
Maeste animis Cortina Deum; Te Præside, Tellus  
Quo superis vix cedat, habet; pacemque per oras  
Dividit, & flavo placat fera sæcla metallo.  
Nec dum pugnaces animos, nec ponitis arma  
Regnantum cognata manus? Non frangere vestra  
Pectora, non avidos fraterni sanguinis enses  
Ignea Semidææ potuerunt fulmina lingue?  
Arma tenete tamc̃n; junctis nam concita signis  
Agmina ab Europa: Sòlymum devolvit in hostem  
(Sic superi volvere) Pater: Quas Gallia misit  
Tempora quæque suis signare assueta triumphis  
Quasque Ister dominus, quas lauro confusus Albis  
Quas aquilæ invicto vallarum fulgure, Gentis  
In certam coire fidem; decrevit in hastas  
Hercinia, & Geticos. Arduum hostilis in angustis  
Gaudet quadrupedum latebras armare ferarum  
Non equidem frustra est, quòd pallida tepidis Idume  
Vinctula cum manibus; quòd Cœlo debita monstras

Thura

Thura, & Bistonio squalentes turbine palmās;  
 Jordanisque pater; quod nudo abiectus in antro  
 Urnam auget lacrymis, & toto flumine luget:  
 Aspice quàm vasto, depressus pondere Nereus.  
 Occidua sub classe gemat! Quantoque tumultu  
 Divisere cavæ dextrum sibi Castora proræ!  
 Quanta venis, quàm fortis! Io, Sydonis ad oras  
 Gens dilecta Deo; fors Barbara pallet, & Orbem  
 Eoum tremefasta quatit; dum littora complet  
 Ultor, & in tumidam pugnax Ptolemaida pontus  
 Evomit infestas admota classe phalanges.  
 Nequidquam, impatiens Bellona, tuisque Getonis  
 Nequidquam, Gradive times. Age concute cristas  
 Improbe, & immissa super altum Casion hasta  
 Coge Parctonias Latium super agmen Erymnēs;  
 Nam fractus, turpique gemens de vulnere, tandem  
 Horribili patrium terribis Strymona planctu;  
 Littore cum Tyrio Solymas præludet ad arces  
 Relligio victrix, & solvet sanguine Thracum:  
 Captivæ Domini funebria iusta sepulcro.  
 Evenient: meruit CLEMENS & nominis hujus  
 Numen, & Auspiciū. Sic Author dixit Apollo:  
 Nec mea mens falli; nec fallere novit Apollo.

*Joannes Dominicus Bichi Sem. Rom. Alumnus & Rhetor Veteranus.*

## CLEMENS III P. M.

*Divum Ludovicum Galliarum Regem ad Christi Sepulcrum  
 recuperandum adhortatur.*

### EPISTOLA.

**O** Qui, Regali niteas cum splendidus ostro;  
 Obsequi in superos plus tibi laude places  
 Numinis Auspicio nunc indue Numinis iras:  
 Et Coelum ulturas impleat hasta manus:  
 Aspicias ut placidis subsistant æquora ventis:  
 Invitetque tuas pontus, & unda rates:  
 Aspicias, ut Solime turre inclinet amicas,  
 Et nutu fatagat, quod nequit ore, loqui.  
 Ipsa etiam, exuvias clausit quæ numinis, urna  
 Dudum Barbaricas non bene passa mantis:  
 Ipsa tibi hostiles nunc exprobrat urna catenas,  
 Obruta neglecto dum latet urna situ.  
 Illa quidem promptas è Coelo fulminis alas,  
 Illa & sydereos posset habere Duces  
 Quos Coelo posset, Tibi vult debere triumphos:  
 Et te pro flammis Numinis, illa vocat.

*Ergo*



Ergo Duces alii, Regum dum signa sequuntur,  
 Nil Martis furias, nil sua fata timent?  
 Tu superum vexilla sequi, palmasque vocantes  
 Vel Cœlo renues sub duce bella sequi?  
 Non ea sed pietas primis adolevit ab annis,  
 Ut Numen nequeas, & data signa sequi.  
 Ibis: jam palmas foelix inclinat Idume;  
 Dum cupit in crines serpero palma tuos.  
 Ibis: jam Libanus sylvas inclinat odoras,  
 Ut tibi pugnanti protegat umbra caput.  
 Ibis: jam totis Jordanis panditur undis;  
 Sudorem foelix ut lavet unda tuum.  
 Plaudit lo! Tellus; Foelix tibi plaudit olympus;  
 Admonet & lentas palma parata manus.  
 Finge tamen tristi victum succumbere bello;  
 Aut dare Barbarico subdita colla jugo;  
 Cur tamen hæc fugias? Tellus dabit illa sepulcrum,  
 Exanimem quondam quæ tulit una Deum.  
 Divinam dum turba frequens properabit ad Urnam;  
 Tu quoque susceptæ pars eris una viæ.  
 Ergo seu victus, sacris seu viceris armis;  
 Alterutro semper munere victor eris.

*Augustinus Grimaldi Sen. Rom. Conv. Et Rhetor novus.*



# ΚΛΗΜΗΣ Ο ΤΕΤΑΡΤΟΣ

## ΑΚΡΟΣ ΑΡΧΙΕΡΕΥΣ

Τοῖς ἐγκρίτοις ἰδιωτῶν παρῶν.



Ο' πλῆθος μετέωρα φιλή, μετέωρά' ἱπανῶ:  
 Τύγμα τῇ μεγάλῃ, σέμμα τῇ βασιλῇ.  
 Δύσλυνε βαθεῖ, ἀκροῦσαι λίγιστα ταλαθῇ:  
 Ἀφῆρται γὰρ ἐγὼ χερσὶν ἐπὶ πείλαι.  
 Ταῦτ' ἐλιγυρῶντ' ἔσται χεῖρσιμ', ἐπ' ἄρ' ἀπολάμψῃ  
 Τυφλῆς δ' ὤρεα τύχῃς ταρταλίῃ παρορῇ.  
 Τραῖας μὲ, τέκν', ἀγροχίαι πολλὰν ἀναρῇ,  
 Βεμάτος ὑψηλῇ ἀξί αὐ εἰς, δόπορ.

*Jacobus Maria Ayrolis Sem. Rom. Convict. & Rhetor novus.*

# ΚΛΗΜΗΣ Ο ΤΕΤΑΡΤΟΣ

## ΑΚΡΟΣ ΑΡΧΙΕΡΕΥΣ.

Πρὸς Πάτρι Γερύσσειν δὴ τὸ ἅγιον Λιγυδίου Ἀγαπητὸν φῶν  
 Σωτηρίας, καὶ Ἀποστολικῆς Ευλογίας.



Ὅτι πλοῖσις ἐπαγρυπῶσι τῆς ἀξίας, ἀλλ' ἐγὼ μένος τῷ μεγάλῳ,  
 ὅπως ἐπικηρύξω γινώσκω, δίδωμι ἐκείνῳ, ἐ τοῖς ἄλλοις χερσίν, τὴν  
 πείραν μὲ, καὶ φοβῶ ἅγιον δεῖ; Καὶ ἵνα γνωρίσῃς τίνα τρέψῃ ταύτη  
 τῇ ἀγγελίᾳ τῇ σὺ πρεσβυτέρη, φθαρταλῶς, ὥς, καὶ ὅρα τὴν  
 συνήθειαν τῇ καρδίᾳ, ἐπὶ δὲ ἐκείνῳ ἐ μὲ τῇ καρδίᾳ ταπεινὴ ποιεῖ,  
 τὴν εὐκρίνην ἐξάρων ἢ θόρυβον, ἀλλοῦ τῆς τῷ κίεσμι τιμῆς ὥς φθορᾶς,  
 καὶ ὡς δέξῃ τῆς ἐν τῇ προῖ ἀφανίζομένης· χάριν καλεῖ παρ' ἐμοῦ τῇ Μει-  
 ρασιν, τὴν Ἀδελφῶν, καὶ λοιπῶν τῶν εὐκρίνων ἡμῶν. Μὴτε προσέειπες, καὶ πρὸς  
 τὴν Ἀδελφῶν, μὴτε πρὸς ἄλλους τινὰ τῶν εὐκρίνων δι' Ἀρχιερατικῆς διπλω-  
 ματος γραφῆς, ἀλλὰ ἐπὶ δακτυλίου τῷ ἀλιώτικῳ, ὡς ὅπως δεῖ τοῖς ἱεροῦ  
 Ρωμαίων ἐπ' τοῖς ἀποστόλοις αὐτῶν. Ἐρμῶν. Ἡ Παρσία ἐν τῇ ἰουδαίᾳ τῇ ἁγίᾳ  
 Πατριάρχῃ, καὶ Φαλκίτικῃ.

*Jacobus Maria Ayrolis Sem. Rom. Convict. & Rhetor novus.*



# CLEMENS IV. P. M.

PETRO GROSSO SUO EX FRATRE NEPOTI

*Salutem & Apostolicam Benedictionem.*

**E**T si jam antea præceptis meis, ac monitis usus, cum cursum institui-  
sti, cujus non me pœniteret; vereor tamen, ne novus hic splendor  
supremæ dignitatis nostræ, affusus oculis, ab officio retrahat, aut saltem  
impediat. Habes obsidentes te officiis, adorantes, eam sequentes fortun-  
nam, quam mea causa tibi arbitrantur accessisse. Falluntur ij verò si ne-  
sciunt quid acceperim: si sciunt fallunt: gratulantur illi scilicet incom-  
modis nostris. Aureum quidem onus incumbit; onus tamen, cui subji-  
mur gravius, & perniciosius succumbimus. Positus in excelsio fastigio  
non tam cæteris eminet, quàm spectaculo est. Unum omnes intuentur;  
neque unum volunt omnes; quin in contraria plerumque intentos contem-  
nere periculosum est, explere longè difficile. Neque penes unum vel se-  
gnius, vel calamitosius administratæ rei labes est; manet illa in vos etiam,  
totumque quodammodo inficit domesticum sanguinem. Aequè honore  
nostro gaudetis, & patetis invidia. Quæ autem est ista gratulatio, quod  
Generis vestri Pontificem habetis; cum Generis item vestri tantopere in-  
terstis quale sitis habituri. Pontificem? Hæc porro tua causa loquor:  
nam mihi quidem videor ipse vobis ereptus, non, futurus vobis ornamen-  
to, neque pudori, quasi omnino non essem. Patrum habebas nuper,  
eumque amantissimum; amabam videlicet adolescentiæ tuæ spem, inge-  
nium, animum, moresque tuos. Jam obliviscere hoc nomen: seu familiæ, seu  
malis etiam vitæ Patruus ademptus est. Ampliorem in familiam translatum  
me divino consilio, pro illa affinitate paucorum hominum, Patrem omnium  
scito. Habeo te Filium, sed eum, qui omnes Patris illius supremi filios, nem-  
pe quotquot sunt homines fratres, habeat. Fac proinde ut quod in optimè  
constituta familia filii prudentiores solent, modestia, gravitate, virtuti-  
bus omnibus excellas. Hæc siquidem fortunæ nostræ, hæc amplitudo, hæc  
dignitas amplectenda magis: illa, quæ vulgo jactantur, honorum celsitu-  
do, divitiarum vis, nobilitas, illustrisque cognatio nobis non providen-  
da, sed contemnenda sunt; & si qua est eorum cura, non tribuenda pro  
voluntate, sed sapienter distribuenda; ut nulla habita fortunæ ratione  
virtutem aut incendat, aut illustrent. Cæterum si quis adhuc sanguinis  
sensu est, Patruum misereatur laborantis gravissimo munere. Circumspectant  
enim nos publici juris factos & finitimæ, & alienæ gentes, animum sibi no-  
strum, viresque postulant. Quantum geminus patet orbis, tantum mihi  
curarum impositum intelligo: faciendæ leges, retinenda jura, Religio  
procuranda vigilantia, præceptis, ope, consilio. Obsistendum etiam po-  
tentia, coercenda audacia, necessitati consulendum, aptanda malis reme-  
dia, nec eadem sanè, nec pauca. Spatia hæc varietatesque & locorum, &  
hominum, quibus vix totidem capita sufficiunt, in me uno quiescunt: si  
subsidium ferre aut non possim, aut nesciam, defectura suo malo, meo  
verò etiam periculo, si non audeam. Ecce tibi, persona deposita, honorem  
meum: ecce fortunam tuam: inspicere diligentius: neque inanibus rumori-  
bus abreptus rem ipsam prætereas, nomine, & specie contentus. Tu  
verò amorem erga me tuum non deponas velim, sed consecres, eoque in-  
ten-

tendas, ut qui Provinciam hanc humeris multò fortiore adiecit, fulciat ipse: futuram nobis laudi & honori, cum illam honestissime administraverimus.

*Joannes Petrus Arrivabene Sem. Rom. Conv. In Classe Humanitatis.*

## C L E M E N T I I V. P. M.

P E T R U S G R O S S U S N E P O S

*Felicitatem.*

**T**ametsi B. P. (hoc enim Te posthac nomine appellem necesse est; cum Eligentium consensus, & virtus Tua dulce quondam mihi Patruum nomen ademerit.) Tametsi, inquam B. P. communis lætitiæ, quam Orbis universus de Tua dignitate concepit; etiam mihi pars aliqua, nec illa quidem mediocris, contigit: tamen cum in ea tempora incideris, quibus novus istæ dignitatis splendor oneri Tibi potius, quàm ornamento futurus est; lætitiæ quam nova dignitas excitaverat, dignitatis onus magna ex parte repressit. Cæterum si mihi gratulari non debco, cum amantissimum mei Patruum amiserim: si Tibi gratulari non possum, cui procuranda difficultatum plena Provincia contigit; Orbi certè Catholico gratulabor, cui pacandis Europæ motibus opportunum sydus affulsit. Quod si detrimento meo reflorescit Europæ felicitas, & Tuo incommodo Orbi Pax quæritur; profectò non est in quo mihi placere possim: non est in quo Tibi gratuler, nisi quòd Deus communi Nostrum incommodo & Orbis Pacem, & Europæ felicitatem redemerit. Suades mihi multis animum privata sorte contentum, lautioris fortunæ odium, & luxus fugam. Scilicet cum magis curæ Tibi sit virtus mea, quam fortis favor; repetis Filio nunc omnium Pater, quæ quondam Patruus Nepoti repetebas identidem. Et quidem quamvis de mea virtute sperare parùm admodum possis, multum ipse tamen à consiliis Tuis sperare debeo: cum enim jis exemplum etiam nuper accesserit; pudebit me semper præeuntem non sequi. Offerebatur tibi Perusiæ Ecclesiæ regimen: interim verò (quod penè miraculo fuit) trepidatum vehementer est, ne Eligentium vota, preces, ac lacrymas, imò spem Orbis cluderet modestia Tua, eaque constantia oblatum deprecareris imperium; quæ Tibi à Patribus offerebatur. Vide jam igitur B. P. quam fortasse superfluum sit, ut qui summam dignitatem constanter sæpè rejeceris, qui acceptam patientissimè feras, Nepoti suadeas ejus dignitatis contemptum, quæ Tibi nondum rediit in gratiam. Ego quidem si in eam me laudem genitum volet Deus, vehementer curabo, ut, seu me Nepotem voces, seu Filium; nihil unquam sit, in quo Tibi aut Filius displiceat, aut Nepos: habeasque semper, quod in Nepote præter sanguinem ames.

*Carolus Albanus Sem. Rom. Conv. In Classe Humanitatis.*

125

51

# CLEMENS V. P. M.

*Serpentes per Italiam Hæreses sub Allegoria Draconis  
extinguit.*

## C A R M E N.

**A**USONIÆ resupina, jaces infamia terræ,  
Seminecesque artus, nigroque madentia tabo  
Terga videns, calido lambis fumantia telo  
Vulnera. Tartaræi Victorem carmina monstri  
Pandite. Romulidum Tuque ò fortissime Vindex  
Da, CLEMENS, fausto facilem mihi Numine musam.

Quà ferit audaci pater Appenninus Olympum  
Vertice; sylvæ vetus densis circumdata dumis,  
Roboribus piccisque nigrans, sub tegmine lenti  
Viminis incurvo tenebrosum protegit antrum,  
Solis inaccessum radiis. His conditus umbris  
Læthifer anguis erat, squamis metuendus & auro.  
Fulgurat è maculis rabies, è corpore terror:  
Stant oculis flammæ: liquidum fluit ore venenum:  
Lingua trifulca micat, crescunt in acumine dentes:  
Iratæque rubet crudelis gratia crista:

Jamque per innumeras, quibus imperat Ausonis, Urbes,  
Straverat hic Populos, hic diro funere Reges,  
Nullaque inexhausto restabat præda veneno,  
Humanis sed pasta epulis, & pota cruore,  
Irritata magis, non est satiata nocendi  
Ambitiosa fames, magnæque cupidine prædæ  
Romam Orbis Dominam facerandam clade petebat.

At CLEMENS trisidum Tarpeja fulmen ab arce  
Librat, & ignito properantem vulnere tardat:  
Crudelemque animam mortemque in morte minantem  
Depulit. Ille vomens mistum cum tabe venenum  
Procubuit, peperitque suo de funere vitam.  
Plaude tibi, secunda metu, communibus expers  
Cladibus Italiæ, spolioque superba Draconis.  
CLEMENTI solvas, quos debes, Roma, triumphos.

*Georgius Bosdari Sem. Rom. Comu. Ex Classe Humanitatis*

# CLEMENTIS VI. P. M.

*Triplex laus, Doctrina, Clementia, & Pacis amor.*

## E L E G I A.

**S**I tua tergemino cinguntur tempora sereto;  
Serta triplex virtus nobiliora dedit.  
Laurigeros primum fronti circumdat honores  
- Ingenio Pallas semper amica tuo.

Pallas te puerum docuit, te Pallas alumnum  
 Mirata est artes tam cito nosse suas.  
 Quin ubi devictam sensit se Diva, doceri  
 Artes optavit sepe Minerva tuas.  
 Proxima CLEMENTI tradit Clementia fertum,  
 Quæ cum CLEMENTIS nomine facta dedit.  
 Hæc docuit justis virtutem extollere donis:  
 Hæc voluit, meritis ut suus esset honos.  
 Sic facili imperio tua dum Clementia regnat;  
 Moribus assuevit vivere Roma tuis.  
 Templum Cecropij habuit Clementia sylvis:  
 Unde dabat miseris obvia semper opem.  
 Non illi pecudes, raptique ab ovilibus agni,  
 Impositi flammis nec placuere greges.  
 Frustra illi sacris fumasset victima flammis:  
 Arsisent frustra thurea dona focis.  
 Placabaut Divam solum pia vota precesque:  
 Mollibat facilem lacryma sola Deam.  
 Nunc tua majori colitur Clementia templo:  
 Pro sylva Romam, qua veneremur, habes.  
 Hic miseris facili, facilisque rogantibus, ultro  
 Invitas vultu vota precesque tuo.  
 Romaq; sis quamvis Princeps, vocat illa parentem:  
 Sis quamvis Dominus; te vocat illa patrem.  
 Ultima belligero Pallas tibi tempora ferto  
 Cingit; & emeritas ornat honore comas.  
 Nam cum discordes ruerent in prælia Reges:  
 Turbaretque Italos Martius ardor agros;  
 Ipse triumphali redimitus tempora oliva  
 Placasti audaces in sua damna Duces.  
 Per te Sequanicis cessit discordia campis:  
 Per te pacatis Anglia regnat aquis.  
 Per te Romuleis Mars Thracius exulat arvis,  
 Et niveo Populos Pax fovet alma sinu.  
 Ut capiunt vires, ventis spirantibus, ignes:  
 Pulchrior à pluviis ut nitet Iris aquis.  
 Sic tua per Martis crevit discrimina virtus:  
 Visaque majori est enituisse face.  
 Italiam, CLEMENS, lacerarunt prælia: fama  
 Nunc tibi pacato major ab Orbe venit.

*Hieronymus Herba Sem. Rom. Goro. Ex Classe Humanitatis:*

# CLEMENS VII. P. M.

*Sub Navis Allegoria Pontificatus sui difficultates deplorat.*

## ELEGIA.

**I**Ram pone, fretum: venti, mansuescite: Clémens  
 Orat, jactatæ cui data cura ratis.  
 Quid faciam, infelix? Aut qua regione requiram,  
 Quod negat auxilium Pontus, & aura mihi?  
 Pontus, & aura ratem quondam juvere: cucurrit  
 Per medium sospes cum mea cymba salum.  
 Nam mare pacatis æquabat fluctibus undas:  
 Implebat tumidos aura secunda sinus.  
 Ast nunc Pontus iter, placidos negat aura furros:  
 Aura fecat velum, dum ferit unda ratem.  
 Hei mihi! quot fragilis jactatur cymba procellis,  
 Cymba procelloso penè sepulta Mari!  
 Hei mihi! præcipiti modo pendet ab æquore puppis:  
 Et modo subductis præcipitatur aquis.  
 Nunc illam rapida cingit vertigine fluctus:  
 Nunc illam dubii vorticis unda rapit.  
 Pellimur hinc Austro; sed & inde repellimur Euro:  
 Unus obest alii ventus, uterque mihi.  
 Carbasa seu tendo, Pelagoque immittor aperto.  
 Seu turum timidus Navita littus amo:  
 Infidum mediis irascitur æquor in undis:  
 Et reflua infido in litore fervet aqua.  
 Seu mihi tyrrhenum placeat proscindere Pontum:  
 Seu placet Adriacum currere puppe salum;  
 Ecce repentinas insurgit fluctus in iras:  
 Asperat Ausonium sæva procella mare.  
 Mitior, ah saltem Boreas spiraret ab Arcto:  
 Servaretque, olim quam dedit ille, fidem!  
 Ille etiam nostræ laceravit vela carinæ:  
 Ille etiam obsequium, quod dabat ante, negat.  
 Ah! saltem Latio liceat succedere portu!  
 Tuta sit ah portu prora Latina suo!  
 Me miserum! solito licuit succedere portu,  
 Sed turum in portu non licet esse meo.  
 Namque etiam hic rapidus motis furit æstus arenis:  
 Nam etiam pictos verberat unda Deos.  
 Iram pone fretum: venti mansuescite: spernis  
 Vota fretum? nostras spernis, & aura preces?  
 Tu saltem, iratas sternit cui Nereus undas;  
 Quoque jubente, levi murmurat aura sono.  
 Tu mihi, Numen ades; Latiam tu dirige Puppim.  
 Tu Dominus, Rector sum ratis ipse Tuæ.

# CLEMENS VIII. P. M.

*Nepotem suum cum Pontificiis copiis ad bellum contra Turcas mittit.*

## E L E G I A.

**H**Uc ades, ò nostræ non ultima gloria Gentis,  
 Care Nepos, Martis fulmen, & Orbis amor.  
 Huc ades, & Latium primò venerare Parentem,  
 Et preme signatos ore tremente pedes.  
 Sed postquam nostris impresseris oscula plantis;  
 Ultima ab Aufonio Principe dicta cape.  
 Bella placent, quondam claros habitura triumphos:  
 Bella placet Getico bella movere Duci.  
 Romula Tyrrheno decurret in æquore classis:  
 Et Cælo Jonias Auspice scindet aquas.  
 Ergò meas incende rates: pelagoque volantes  
 Impleat aspirans ventus, & aura sinus.  
 Rumpe moras, generose Nepos, tibi militat æther  
 Et tua cœlestis diriget arma manus:  
 Fulgida, quæ nostris rutilabunt sydera signis;  
 Illa tibi toto sint cynosura mari.  
 Ingredere omnibus certis, ventisque vocatis  
 Sithonis à Latiis puppibus unda gemat.  
 Causa placet superis, superisque volentibus ipsis  
 Odrysi placuit cum Duce bella geri.  
 Nec dubites, fortem si bella ferantur in hostem:  
 Adverso timeat qui movet arma Deo.  
 Hactenus Aufoniis satis insultaverit Aris,  
 Spreverit & Latias barbara Luna manus.  
 Tempus adest, fracta surgant quo compede gentes:  
 Et vetus excutiant colla subacta jugum.  
 Tempus adest, Getico quo sanguine purpuret, & quo  
 Palleat amissa Thracia Luna face.  
 Ast ego, dum cures remis ferientibus æquos,  
 Dum vehet Ænotrias Tethyos unda rates,  
 Thura dabo pia thura Deo: Populisque vocatis  
 Decludet sacras dextera nostra fores.  
 Romuleam & quisquis peregrinus venerit Urbem;  
 Affusa à nobis abluet unda pedes.  
 A nostra sitiens sumet charchesia dextra,  
 Sumet & à nostra fercula lauta manu.  
 Ipse tamen tenui ducam jejunia victu,  
 Et cinget setis horrida zona latus.  
 Fors erit, ut nostris numen placabile votis  
 Injiciat Scythico frœna Latina Duci.  
 Et mea Treyciis rutilent in turribus astra,  
 Detque locum Stellis Luna superba meis.

*Colomanus Hamerani Sem. Rom. Alumnus, & Rhetor novus.*

CLE-



# CLEMENS VIII. P. M.

*Sub Daphnidis nomine Thyrsis, & Amyntas laudant,  
quod, recuperata ab ipso Ferraria, inermes  
nunc sint à Bellorum incommadis.*

## E G L O G A.

**Q**uà patet effusus felix Insubria terris,  
Et sese major vasto caput erigit alveo  
Fluviorum Rex Eridamus, Pelagoque sonanti  
Arva secat, raditque tuos, Ferraria, campos;  
Curarum immemores liquidi propè fluminis oram  
Thyrsis oves cantu, calamo mulcebat Amyntas  
(Nam cantu Thyrsis, calamo præstabat Amyntas.)  
Fortè, sub herbosæ gement cum margine ripæ  
Lactentes vitulæ, & querulis balatibus agnæ  
Implerent valles, & amicam vallibus Echo;  
Respicit Eridanum Thyrsis, medioque natantes  
Amne viros, galeasque videt, clypeosque sonantes,  
Reliquias Belli, & Scythici fera præmia Martis.  
Ergo vicini metuens discrimina belli,  
Flebat, & has mesto tristes dedit ore querelas.

*Thyr.* En queis nostra suas tellus promittit aristas!  
En quibus à foetis teneros educimus Agnos,  
Inserimusque pyros, & ponimus ordine vites;  
Nunc alios populatur agros Mars Thracius: Urbes  
Nunc alias, aliumque solum funestat Erymnis.  
Proxima sed postquam turbaverit arva Gradius;  
Nos eadem fortuna manet: deslebimus ambo  
Amisum pecus, & dulcis grata otia ruris.  
Non tuta in stabulis fuerint, non tuta per agros  
Errabunt argenta: manu ferus omnia miles  
Auferet: intonsas sompes pede proteret herbas,  
Vicinaque hostiles sylvæ flectentur in hastas.

*Amynt.* Quas ripis errare boves, errare capellas,  
Thyrsi, vides, siccoque in littore ludere saltu,  
Candentes vitulæ, & foetis cum matribus agni;  
In stabulis tuti semper, tutique per agros  
Tondebunt virides, nullis prohibentibus, herbas,  
Ne dubites, nobis campus servabit aristas:  
Turgida spumabunt nostro multralia lacte:  
Noster erit, nostroque lacu calcabitur, omnis,  
Incustodita pendet qui vite racemus.  
Aspera vicinos quæ miscent prælia campos,  
Hinc aberunt: nostrasque reget Pax aurea sylvas.  
Dispersas quondam pecudes, & diruta vidit  
Pastorum tecta, & quercus innare revulsas  
Turbatis caput attollens hoc flumen ab undis:  
Sed postquam hos colles, has sylvas Daphnis amavit,

Atque

Atque suum felix novit Ferraria Daphnin;  
 Mutavit fortuna vices: Clementia coepit;  
 Et secura quies nostris asluescere sylvis,  
 Daphnin Pastor amat: volucres, armentaque Daphnin  
 Si possent: Daphnin volucres, armentaque amarent,  
 Ut rident violæ, vel purpureus hyacinthus,  
 Ut sylvis modulantur ayes, cum pulcher Ego  
 Sol redit, & nitida densas face discutit umbras;  
 In nostra haud aliter cum venit ovilia Daphnis,  
 Idaliæ rubuere rosæ cecinere volucres:  
 Fronde nova, pomisque novis se vestit arbor:  
 Et pecudes saliere: hædi saliere petulci:

*Thyr.* Sed si Parca ferox invidit Daphnida nobis;  
 Dic mihi, quis posthac pecudes defeiudet, Amynta?  
 Daphnis abest: aliasque alio sub sydere sylvas  
 Nunc habitat, nostri forsitan gregis immemor: & fors  
 Immemor Eridani majores quæsiit amnes.

*Amynt.* Quin potius licet ille alio sub sydere sylvas  
 Majores habitet, majoraque flumina nostris;  
 Is tamen in alio redivivus Daphnide, nostras  
 Curat oves, tutosque jubet per pascua tauros,  
 Et tutos errare greges, errare capellas.

*Thyr.* Cur igitur (quoniam confedimus ambo periti  
 Tu calamos inflare leves, ego dicere versus)  
 Non cautes Daphnin? Nobis si hæc otia Daphnis,  
 Daphnis & à nostris prohibet præsepibus, arma?

*Amynt.* Thyrsi; vides quantæ veniant de montibus umbræ?  
 Nox ruit: & nigro jam surgit vesper Olympo:  
 Et Daphnis vetat, & surgentia sydera cantum.

*Comes Camillus Marazzani Sem. Rom. Conv. & Rhetor Veteranus.*

## CLEMENS VIII. P. M.

*Domesticam distrabis suspectum, ut pauperum  
 calamitatibus consulat.*

### EPIGRAMMA.

**P** Auferis in speciem Numen delabitur astris,  
 Divitiæ ut vena de meliore fluant.  
 Hinc hominum pietas reddit sua munera Templis,  
 Cultaque votivas ara flagellat opes.  
 Auspice te, CLEMENS, repetit jam Numen egestas,  
 Plus tamen in cultu paupere Numen habet.  
 Instar habes Regum, Tyrio dum murice fulges,  
 Dum contemnis opes, Numinis instar habes.

*Laurentius Grimaldi Sem. Rom. Conv. & Rhetor novus.*

# CLEMENS VIII. P. M.

*Anno Jubilei multa pietatis opera in Pauperes exhibet.*

## ELOGIUM.

**R**egnante CLEMENTIS VIII. munificentia  
Romam conflue,  
Ubi te non invenias amplius  
Peregrina Pauperies -  
Supremam Regnantium Majestatem  
Amabili pietatis metamorphosi  
Plebi famulantem  
Mirare.

Quem Reges adorant, Orbis colit, tremunt Inferi,  
Sordidis advolutum pedibus  
Intuere.

Jam sola thesaurorum effusio,  
Quem famulantem vides,  
Testatur Principem,

Nisi quod ipsa Majestas in demissione sublimior,  
Aut CLEMENTEM probat, aut facit.

At quem in sæculi cunis, miraris Principem,  
Diligis Patrem;  
Disce sperare,

Abeunte sæculo cum usura redivivum.

Sic quæ sæculi infantiam inter pietatis ubera exceperit,  
Tandem

Benignitatis, munificentiae, demissionis,  
Prodigia geminans,  
Rediviva Clementia  
Sæculum coronabit.

*Augustinus Lombardi Sem. Rom. Conv. & Rhetor novus.*

# CLEMENTIS IX. P. M.

*Auxilium Creta à Turcis capta implorat.*

## EPISTOLA.

**G**nosfiaci Regina Maris, cui littora centum,  
Centum Urbes Populos, lataque Regna dabant;  
Infelix Getico jubeor servire Tyranno,  
Et dare barbarico regia colla iugo.  
Illa graves patitur cervix onerata catenas,  
Ornatum gemmis quæ diadema tulit.  
Illa coercetur vinclis, & ferrea sentit  
Pondera, quæ gesit splendida sceptris, manus.  
Hostis in excelsa, nullis prohibentibus, aula  
Regnat: me rigidi carceris umbra tenet.

Hei mihi! Noster adhuc rubris stat sanguis in arvis:

Ossa Ducum campis semisepulta jacent.

Qua steterant Urbes, colles feriuntur aratro;

Surgit ab everfis sedibus alta seges.

Templa ruunt; alio surgunt altaria cultu:

Mentito fumant impia thura Deo.

O utinam subito terræ consumar hiatu:

Mergar & in medio contumulata Mari;

Ne sacris videam contraria surgere sacra:

Ne videam ritus, impia turba, tuos.

Perdita, sed nondum pereo, sed perdita vivo:

Ah, CLEMENS, facilem tu mihi tende manum.

Quam Superi servant; ne tu servare recusa:

In me cum Superis est tibi juris idem.

Auxilium nuper, complentibus æquora velis,

Ne caderem, tuleras: hoc ego lapsa rogo.

Ah veniat Ligurum, veniat Tyrrhena juventus,

Et Romana meas classis obumbret aquas.

Nave super celsa nomen CLEMENTIS in auro

Fulgeat, & tremulum verberet astra jubar.

Ille nitor Geticos rutila face fulminet Hostes:

Ille mihi clari syderis instar erit.

Eja age, rumpe moras: tumidis da carbasa ventis;

Et premat Jonias Romula classis aquas.

Unum oro, quodque ipsi etiam concefferis Hosti,

Hostis si peteret: scilicet esse tuam.

*Georgius Bosdari Sem. Rom. Conv. ex Classe Humanitatis.*

## C L E M E N S I X. P. M.

*Tumulum suum brevi hac Epigramme inscribi jubet:*

CLEMENTIS IX CINERES.

E L O G I U M.

**E**RRAVIT Modestia Tua, CLEMENS,  
Quæ dum litteris vetat inscribi Sepulcrum,  
Prodit facta, non celat.

Augusto Cineri Tuo

Nihil tam nocet ad laudem,

Quam vita CLEMENTIS.

Exiguus, quem imperas, lapis

Teget ossa, non famam;

Et accedens Tumulo Roma

Perget dicere, quod invita non legit.

Ut vel mortuus laudem declinares;

Alio vitæ genere utendum erat,

Non Testamento.

Accipe igitur

Quod

Quod paucis fama subscribit.  
 CLEMENTIS IX CINERES,  
 Qui extinctis Principum odiis,  
 Sublata Populorum inopia,  
 Partaque Orbi universo foelicitate,  
 Nihil habuit commune cum cæteris,  
 Nisi Mortem.

*Joseph Roverus Sem. Rom. Conv. & Rhetor novus.*

## CLEMENS IX. P. M.

*Cretam pecunia, & milite juvat, ne à Turcis occupetur.*

### EPIGRAMMA.

**C**reta jaces, frustra puero reptata Tonante:  
 Lunaque centenis Urbibus alta sedet.  
 Quid faceret CLEMENS? Juvit te milite: Classe  
 Te juvit; Scythicum ne paterere jugum.  
 Tu tamen ah! pateris Scythicas invita catenas:  
 Flectis & Odrysio Regia colla jugo.  
 Solamen vicina tamen tibi, Creta, ruinæ  
 Troia det: excidio Troia superba suo.  
 Post duo nam flammis victricibus Ilion arsit:  
 Creta, tamen solum post tria lustra cadis.

*Paschalis Galeani Sem. Rom. Conv. & Rhetor novus:*

## CLEMENS X. P. M.

*Ludovicum Beltrandum, Cajetanum Thienicum, Philippum  
 Benitum, Rosam Peruanam, & Franciscum  
 Borgiam Sanctis annumerat.*

### CARMEN.

**A**ddita syderibus nova sydera, grandia nostro,  
 Exiguo quamvis, sint argumenta labori.  
 Huc ades, Aoniis cui Pindus murmurat undis,  
 Phæbe Pater, foelixque meis allabere cœptis.  
 Dum pia cœruleo residens Clementia Cœlo  
 Humanas spectare vices, & ab axe sereno  
 Terrarum molem, medioque sub æthere mundi  
 Gaudebat lustrare globos, calcataque circum  
 Imperia; occurrit Princeps, molimina rerum  
 Qui volvit, sceptroque sibi subiecta ministrat  
 Regna, datumque Petro certo regit ordine mundum.  
 Hunc Dea prospiciens, æquantem nomina factis  
 (Nam nomen CLEMENTIS erat) sua dona parari,

Digna-

Dignaque pro meritis disponi prœmia iussit.  
Inde polo residens medio prostrata Tonantis  
Ante oculos stetit, & tales dedit ore querelas.

Summe Parens, pœnas à quo sperare Nocentes  
Fas est, & dignis impendi prœmia factis;  
Influxu rediviva tuo gratissima tellus  
Germinat, & spondet varios in tempore fructus.  
Ergo quod in proprio divina potentia Cœlo  
Præstat id ipse suis CLEMENS in sedibus æquo  
Ponderet Imperio: liceat nova sydera Cœlo  
Inferere, & meritis altaribus addere Divos

Hæc ait: & postquam validas pulcherrima Virgo  
Esse preces novit; liquido delabitur axe:  
Ocior & jaculis, ventoque fugacior omni  
Romuleo venit CLEMENS ubi splendidus ostro,  
Subiectos Latia Populos moderatur ab Urbe.

Forte ~~Senex dulci curarum oblivio~~ somno  
Hauribat placidus: paribus Clementia pennis  
Cum subit Augustos non observata penates:  
Affaturque Patrem, noctisque eliminat umbras.

O cui de triplici rutilat Diademate vultus,  
Summe Parens, orbemque data moderaris habena;  
Nullane te Cœli tangit pia cura? Nec unquam  
Transcribes nostro meritos Heroas Olympo?  
Ergo Beltrandi Cineres, atque Ossa Philippi,  
Et Cajetani tenui modo condita busto,  
Nunquam turba frequens posita venabitur urna?  
Nec-Rosa quam dives Peruvia nutriit, & quem  
Fortunata dedit Patriis Hispania sceptris  
Borgia, Semideum meritis miscebitur aris:  
Accipietque preces, votisque vocabitur unquam?  
Ergo age & his etiam ponas altaria Divis.  
Hæc laudis sit summa tuæ: post fata sequeris,  
Quos modo in æthereas Divos præmiseris oras.  
Dixit & incussit ~~redit super æthere pennis~~.

Obstupuit Pater, & somni fugientibus umbris,  
Ecce sequor, dixit, Divæ sequor omina tanta.  
Salvete o igitur Latii nova sydera Cœli.  
Nunc ego vos reliquis animis cœlestibus addo.  
Ipse prior Cineres supplex venerabor, & ipse  
Thure pio, & sacris cumulabo altaria donis:  
Quosque damus Cœlo, post ultima fata sequemur.  
Quod si alius Latio spectandus murice quondam  
Romuleum accipiet nostro cum nomine Regnum;  
Ille etiam, Odrysiæ sed postquam cornua Lunæ  
Frægerit, & stabili sociarit fœdere Reges:  
Threjicium postquam patrii propè Strymonis undas  
Frœna reluctantem frustra, frustra que cruentum  
Ærea mordentem rabido sua vincula dente  
Æterno Victor damnarit carcere Martem;

*Ille Deum vitam accipiet, divisque videbit  
 Permissos heroas, & ipse videbitur illis,  
 Pacatumque reget, Patriis virtutibus Orbem.*

*Julius Vitelleschi Sem. Rom. Conv. & Rhetor Veteranus.*

## CLEMENS X. P. M.

*Collatam sibi summam dignitatem Lacrymis excipit,  
 In ipsius lacrymas.*

### ELEGIA.

**O** Lacrymæ, quas non vincit Danaeius imber,  
 Este precor menti Castalis unda meæ.  
 Puri animi testes, vos diva è fronte volutæ  
 Inclita fulgenti lambitis ora fuga.  
 Neve homines tanto perfstringat Numen ab ore;  
 Velatis molli lumina sacra gelu.  
 Parvi Orbis; in quos sese tenuasse putanda est,  
 Ut tangat vultum Principis, Æthra micans.  
 Exigui latices; sed quos veneratur, & horret  
 Et Tagus, & totis cernuus Ister aquis.  
 Sydera vos dicam; quamvis non alta tenetis,  
 Sed liquido potius tenditis ima gradu.  
 Terra refert Superos tanto sub Principe; in illam  
 Par est ut superæ defiliatis opes.  
 Saca per ora vagæ decoris, monumentaq; laudum  
 Pingitis, atque animi scribitis acta pij.  
 Scribitis, ut placidæ Regina modestia mentis  
 Proscribat vestris vota superba notis.  
 Credo equidem, tali si se spectaret in unda,  
 Damnaret vultus ambitus ipse suos.  
 O geminæ, fœdi quas non ad præmia luxus  
 Fudit Erithræo squalida concha sinu.  
 Verum Semideæ domino de sanguine venæ  
 Finxit laudata dædalus arte pudor;  
 Ut decus, & vestro virtus torquata monili  
 Principis augustis splendeat alta genis.  
 CLEMENTI Cœlo tandem (venientia sæcla  
 Auspicium fœlix sumite) gemma pluit.  
 Dum signat gemmis Regni primordia CLEMENS,  
 Aurea queis cedant, gemmea sæcla facit.  
 Tuque Pater, quem cuncta regant cum supplice fato,  
 Terna velis domina stringere sceptrâ manu:  
 Per lacrymas consume hominem, terrenaque jura;  
 Nam manet humana te vice major apex.  
 Teque probent posthac tua gesta ingentia Numen;  
 Et clament populi: credimus esse Deos;

*Jacobus Maria Ayrolî Sem. Rom. Conv. & Rhetor novus.*

F.

CLE-

## CLEMENTUM P. M.

Corona.

O D E.

**N**AM cur inertem plenius obsidet  
 Visum papapaver? Fessa domesticas  
 Nox densat umbras, & jubentem  
 Luce sequor fugiente somnum.  
 At quæ se in umbras insinuat dies?  
 Proh quam decoro lumine nobilis  
 Coruscat intus Diva?  
 Vincit ore novum radiante solem.  
 Demissa tergo plurima plumo  
 Perrumpit acres ala Favonios,  
 Vehitque conscensura secum  
 Aerium super astra callem.  
 Fatigat omnem stridula spiritum  
 Fœcunda dignis buccina laudibus,  
 Et facta diffundit per Urbes  
 Emeritam subitura musam.  
 Discedit imo viscere perviis  
 Calcanda Tellus gressibus, & viam  
 (Utrinque suspendente vallum  
 Imperio) penitus remoto  
 Maritat antro; non aliter metum  
 Textente iussa Doride vitreum  
 Moses Idumeis catervis  
 Ambiguas referavit undas.  
 Antrum superbas ad Capitolii  
 Spectare rupes dicitur abditum;  
 Proh qualis exercet novati  
 Praxitelis, Phidiæque scalprum  
 Imago ficto Principe nobilis?  
 Sudatur actis pervigil letibus  
 Vel ipse Naturæ timentis  
 Sudor, & imperium refundit  
 Scalprum in superbam Régis imaginem  
 Ortu in coronatum imperii metum:  
 Se plena Majestas in alnum  
 Induit officiosa vultum.  
 Inertiori sydera lampade,  
 Si utrumque lumen fulguret, emicant,  
 Totumque consumpsisse credas  
 Praxitelem, artificemque dextram.  
 Sed quæ stuporem pompa rapit novum?  
 Subit relictum Praxitelis locum  
 Chorus Dearum, subditæque

Em-



Effigies levioꝛe faxo,  
 Et tenuioꝛi disposita loco,  
 Circum coronant ordine imaginem;  
     Quæ clara fulgescit, minores  
     Luna velut prior inter ignes.  
 O quæ timentes tuta Regis gradus;  
 Quis ille, tota qui supereminet  
     Cervice sublimis? Minor quid  
     Ordo sibi, famulusque poscit  
 Chorus Dearum? Dic age: Principi  
 Novum merenti nam decus additur;  
     Si fama vulgari per orbem  
     Artifices meruisse Divas.  
 Viden, nefandæ quæ prior imminet  
 Regalis Hydræ: Quæ fera Principem  
     Formidat Augustum; Deorum est  
     Vana superstitio: catenas  
 Illi retortis nexibus iniicit  
 Certa triumphans Relligio manu!  
     Quæ jura dispensat colenda  
     Effigies, tua Magne CLEMENS,  
 Qui primus almo nomine inutilem  
 Cultum insulato pectore deprimis,  
     Deosque mendaces timendus  
     Veridica premis usque poena.  
 En ut sonantes sacrilega manu  
 Obscæna numeros altera præferat,  
     Auroque venalis mitratani  
     Occupat imperiosa Sedem.  
 Tibi secundo nomine Pontifex  
 Coacta servit; non pretio subest  
     In Orbe discissis cruentus,  
     Cui pretium Deus ipse venit.  
 At non medullis spiritus exilit;  
 Dum viva sacram luce Tyrannidem  
     Spirat, trahens cornu minorem  
     Barbaricam generosa Lunam?  
 Isthæc duorum Numine Præsîde  
 Fervere jussis edocuit vadis  
     Tonantis ob victum sepulcrum,  
     Et Rodanum, Adriacamque Tethyn;  
 Verum remissis utraque vultibus,  
 Quæ Diva Sedem nobilis occupat,  
     Utramque tutatur sequentum  
     Pontificum obsequiosus ardor.  
 Præclara cætus altera Præsulum  
 Cogit verendos: Altera supplicem,  
     Sibique districto parantem  
     Italiam quater ense cladem  
 Victrix priori reddit imagini.

Frustra cruentas excutiunt minas  
     Mavorisque, Germanumque funus ,  
     Et nocuos fera vincla nexus  
 Injesta Divæ : Corde ruentibus  
 Major minarum jussibus , obvios  
     Nescit labores , si colenda  
     Mediceo famulatur ostro .  
 At non cruentus carcer obambulat  
 Utrumque aduncus cui latus , & sibi  
     Cladem minatur fune , nostrum  
     Effugiet Metanæa visum .  
 Virtus sub umbris nata petit diem ,  
 Sibique falso nomine durior  
     CLEMENS jubetur ferre Solem ;  
     Immeritis rapiendus umbris ,  
 Hujus superbam noscis Imaginem ?  
 Manuque circum permeat ordinem  
     Novisse credam , nempe vestræ  
     Parrhasias imitatus umbras  
 Adhæret aulæ nobilis . Illius  
 Ab ore pendet candida Gallicis  
     Subvecta pennis Pax , Ibcra  
     Tuta via super arce pendens .  
 Regnata sensit Creta Leonibus  
 In imminentes Adriacis opem ,  
     Lunas , diu cogens repulsas  
     Ambiguum reparare cornu .  
 Claudit decorum nobilis ordinem  
 Themis sacrorum lance pericula  
     Sudata perpendit vitorum ,  
     Et meritis pia donat aris .  
 Vix hæc ; euntes sponte sua Deæ  
 Visæ moveri , motibus obvios  
     Spondent gradus , atque impetrato  
     Nutibus a Dominis recellu ;  
 Excelsioris mox & Imaginis  
 Dein advolutæ suppliciter pedi ,  
     Sceptrum recusantem fatigant  
     Pontificem . Diadema pendet  
 Regale , quærens ambiguum caput .  
 Tandem , Latini qui decus imperj  
     Sceptrumque triplex qui recusat ;  
     Aufonio radiavit Ostro .

*Comes Julius à Vulpe Sen. Rom. Cons. & Rhetor Veteranus :*

# CLEMENTIS XI. PONT. MAX.

LAUS

SILENTIUM.

ORATIO.



Unam ætati B.P. non visa mirabilis, mysterioque plena via illa à Pythagoricis inita, ut arcanam, & imperscrutabilem Dei naturam ob oculos nostros exponerent, ac fluctuantem intellectum manu quodammodo ad ejus contemplationem deducerent non alia quippe definitione usi sapientes viri, quàm numerorum adminiculo constata, & interroganti quid esset Deus Monas, & Decas illicò reponebant, veluti in enigmate significantes, incircumscriptum perfectionum pelagum sub denario numero adumbratum in eum unicè confluere, cujus summa simplicitas sub numerica figurata unitate exhibebatur. Qua de re quis Divino factum consilio non dixerit, ut tu Princeps, ac Pater CLEMENTIS XI. nomen in tuum malles adoptare, cui cum Monas, & Decas adnectantur facillima datur conjectura deprehendere virtutum omnium multipliciter, quas in decem mirati sumus divisas Clementibus in Te uno mira convenisse concordia, ut ex illis Mundo suspiciendus, Superisq; simillimus Princeps coalesceres. Cum itaque decem in Clementibus tanquam in nube Te suboscure simus intuiti, reliquum modò foret, ut in Te uno decem contempleremur CLEMENTES, sed cum severe nimis Tua nobiscum agat modestia, ut, licet tam ampla dicendi sese offerat seges, nihil tamen minùs cogat vel invitos sterilefcere, & tacere; parebimus. Scilicet in hoc alii Te vincent: erravi, in hoc etiam alios excedes, ut illi laudari possint cum debeant, Tu nequeas, cum maximè merearis. Esto igitur summa CLEMENTIS XI. *Laus Clementem mirari nos posse, loqui de Clemente non posse.* Habes, o Princeps, quod jubes orationis scilicet nostræ materiem, SILENTIUM.

Et sanè cum vires, atque dicendi artem materies exuperat, quem lateat eloquentissimam Oratoris linguam tunc esse, si taceat. Qua de re nullam institutam de Deo orationem censuerim, quæ propius argumentum attigerit, dignius pertractaverit, amplificaverit elegantius, quàm quæ habita olim à Simonide Philosopho, jussus nimirum à Rege Hyerone aliquid de Deo pro dignitate profari, advocato semper ad diem die, & extorta ad moram mora, nihil prolixum post temporis dispendium in Divinæ disquisitione naturæ assecutus est, quod verbis posset exponere, sed in novo ac geminato mentis conatu stupore tandem oppressus succubuit, & laudationis suæ venerabile compendium habuit obmutescendo. Divinitatis imagines esse atque vicariam ejusdem gerere potestatem Nemo, nisi qui desipiat, Romanos Pontifices inficiabitur: sed quantò propius Divinum ad exemplar CLEMENS noster accedat; hinc nosce: quod de illo aliquid dictu-

dicturis nobis ab simile nobis orationis genus fuit opus suscipere, atque de CLEMENTE non aliter eloqui, quam Sapiens ille eloquutus de Deo. Postulabat jamdiu ab hac Domo (nec immerito) & Roma, & Italia univēsa sub initium auspiciatissimi Principatus, ut tota in novi Principis plausus effunderetur, tota in laudes abiret, facemque omnibus ad CLEMENTIS Elogia praeferret. Itane verò (undique inelamabatur) vel tenuissimum illud Academiæ vestrae tributum, quod nulli ex Pontificibus, qui vestros olim incoluere parietes, detractum est, iniquè adeo negabitur Principi, qui cum adhuc Purpuratos inter Patres tam frequens vos invisebat; ut penè Hospes, & Incola videretur: qui sese huic Aulae grande ad studia ac virtutes omnes incitameptum tam liberaliter commodabat: qui in Pontificem renunciatus custodiendum vobis reliquit Magnum illud totius Christiani Orbis depositum, totidemque sui vicarias, splendidaeque imagines, quot confanguineos? At nos diem semper ad diem, ad mensem postulavimus mensem, ac tandem argumenti magnitudine oppressis, opportunior nulla de CLEMENTE pro dignitate dicendi sese obrulit via, quam de CLEMENTE tacere. O promptum, nobile, ac necessarium perfrugium, taciturnitas, cum in sermone periclitaris, & à nimia dicendorum ubertate gloriosam induceris in pauperiem, ac desperationem: novi in dies stimuli nostris addebantur lateribus, callum stimulo obduximus; proponebatur saepissimè ab aliis idonea laudationi nostrae materies, propositam semper rejecimus; obstinato identidem succensebant silentio, nostris oculis objicientes CLEMENTIS XI praemia ab aliorum ingenis diuturno studio ac labore confecta: Illum non sibi sed toti Mundo natum regendo alius celebrabat; non hominum sed Magistra Dei manu elaboratum nobis in Principem praedicabat alius; quot fumosa Familiae decora, quot elatae mentis amplitudinem, quot prudentiam è canitie suffragium non emendicantem nec expectantem, quot propè Divinam Indolis suavitatem exornandam suscepant! Nec defuere qui, ut illum licet laudari severissimè renuentem, laudarent, proditoriam induti accusatoris personam: damnarunt Imperii pacem, sed non sine maximo Christiani Orbis dispendio aspernantem: qui fecere sed laudabiliter reum, quia Principatu in communem Populorum non privatam sui foelicitatem uti nosset, sed proprium mallet abuti in incommmodum: qui in illum irrevocabili pronunciarunt suffragio eò quòd omnes etiam remotissimae Terrarum Orbis Anguli magis ac Religione à nobis divisa, quam loco CLEMENTIS beneficia sentirent; & qui ipsi propiores, sanguineque conjuncti ne minimum quidem commodum ex hoc fonte publicae foelicitatis haurirent; sed minus proximo Principe fruenter, quam illa remoto. Haec & plura vel audivimus, vel legimus, sed omnia damnavimus B. P. scita in Tui laudatores objurgatione usi, qua usus olim Diogenes in Philosophum multa de Deorum natura Populo venditantem: vah miser, inquit, qui quod optimum est in Philosopho totum corumpis, videlicet Silentium: haud secus, pace dixerim vestra, quod optimum, quod necessarium est in CLEMENTIS laudatore miserrimè violastis; de CLEMENTE videlicet nihil loqui. Iniqui tamen erga vos nimium effemus, si maximum quod à laudatione vestra beneficium suscepimus, vel à nobis non agnosceretur, vel cognitum occuleretur, ex illius scilicet umbris, potius quam luce, in CLEMENTEM refulsis datum est cum obscuritate tamen, & sine distinctione dignoscere, quis, & quantus sit iste Princeps: fecimus quemadmodum sapientes Mathematici solent, qui

ut immensum, ac velocissimum planetarum Principis iter, effusamque per publicas mundi utilitates amplitudinem lucis aliqua ratione comprehendant, & distinguant exiguae cuspidis opacitate umbram sui projicientis utuntur, atque ita non nisi tenebris debent, quod solem agnoscant. Quamquam consultius, ac laudabilius statuisse semper censuimus Aegyptiorum sapientissimos, qui cum immortales animos, & caduca omnia corpora radiis illustrata solaribus multiplici effingerent pigmento, & simulacro repraesentarent; ipsum tamen omnia illuminantem Solem, coloribus vel simulacro exprimendum severissime vetuerunt, ne majestate tantæ lucis oppressum humanum ingenium luminum omnium Authorem obscuraret. potius inficeretque quam referret. CLEMENTIS Animus tot virtutum luminibus efflorescens, beneficium CLEMENTIS longè, latèque per totum terrarum orbem diffeminata, ita humanæ mentis oculos perstringunt, & obruunt, ut licet ista mirari, ac commendare possimus, consultius tamen sit, & sapientius factum de CLEMENTE tacere, ne indecorè loquamur, & obscuremus potius, quam illustremus tot virtutum, & beneficiorum Authorem, nec minus tacendo, quam loquendo laudabitur, quemadmodum non minus sacro silentio, quam vocibus Divina celebratur Sapientia, Bonitas, ac Potentia. Auditis quid ad psalterii pulsus Regius Fidicen moduleretur? Volucres, inquit, Cœli, & Pisces Maris: ad quid excitantur tam disparis indolis animantia? Ad laudem Deo præstandam, & qua pollent lingua canendum, Domine, quam admirabile est nomen tuum in universa terra! Quod quæ aerem alijs metiuntur, franguntque canoro gutture, invitentur aviculæ; non est profectò mirandum: sed qui per immensas Oceani aquas multi gregis exercitus divagatur, & fluctuat; ad armonicum hunc concentum advocetur, difficillimum videtur mysterium involvere. Accedit quod ipsemet Vates non illarum, sed hujus visus est instituisse vestigiis, nonne Deo fidebit anima mea stupore defixus dicebat? Scilicet vel æquè laudabile, vel sapientius est, cum Deo laus tribuenda, cum Piscibus obmutescere, quam garrere cum avibus. Davidicam hanc imitari placuit taciturnitatem cum CLEMENTIS XI. nomen per universum terrarum orbem fuit celebrandum, ut periculum non dignè de CLEMENTE loquendi eluderemus. Prudentissimum amplexi sumus silentium, sed pace dixerim Tua, non quia jubebas o Princeps, nam cum Tuus jam non sis, sed populorum; publici juris evadunt Tua gesta, Tuæque virtutes, sed quia periculosum nimis, & plenum opus alic de Te dignè, ac laudabiliter loqui. Nonne ergo CLEMENTI tacebit lingua nostra?

*Abbas Lazarus Pallavicini Sem. Rom. Conv. & Rhetor Veteranus.*

Qui Litterarios hujus anni in superioribus facultatibus labores publicè jam exhibitos

## CLEMENTI XI. P. O. M. NUNC CONSECRANT.

*Laurea Theologiæ, Philosophiæ, & utriusque Juris Pontificii, ac Cæsarei in Romano Archigymnasio donatus*  
ABBAS LAZARUS PALLAVICINUS.

*Laurea*

*Laurea utriusque Juris Pontificii, ac Cæsarei in Romano Archigymnasio donatus*

MATTHEUS FRANZONI.

*Laurea Theologiæ, ac Philosophiæ in Romano Collegio donati possumensum in eodem Collegio Theologicum quadriennium*

ABBAS CORRADUS ORSINI

ABBAS ADRIANUS SERMATTEI

THOMAS PHILIPPUS AB ALSATIA Comes Bouffuvii S. R. I.

Princeps Cimacen. Cathedralis Eccl. Gandaven. Præpositus.

*Quatuor Theologiæ Tractatus, De Beatitudine, Et Actibus Humanis; De Divina Gratia; De Sacrosancto Mystero Incarnationis, Et De Sacramentis data omnibus argumentandi facultate propugnavit*

JOANNES BAPTISTA SPINULA.

*Duos Theologiæ Tractatus, De Divina Gratia, Et De Sacramentis data omnibus argumentandi facultate propugnavit*

D. CAROLUS GESUALDI.

*Universam Philosophiam data omnibus argumentandi facultate in Seminario Romano propugnavit*

CAROLUS COLLICOLA

COSIMUS IMPERIALI

DOMINICUS LUPI ejusdem Seminarii Alumnus,

*Physicæ Conclusiones in Seminario Romano propugnavit*

STEPHANUS DE MARI

VICECOMES JUSTINIANI

ABBAS JULIUS VITELLESCHI,

*Logicæ Conclusiones in Seminario Romano propugnavit*

ABBAS POMPEJUS AMADEI

CAROLUS IMPERIALI.

*Theses Polemicas de Romano Pontifice in Seminario Romano propugnavit*

THOMAS PHILIPPUS AB ALSATIA Comes Bouffovii S. R. I.

Princeps Cimacen. Cathedralis Eccl. Gandaven. Præpositus.

*Ex utroque Jure Pontificio, ac Cæsareo Theses propugnavit in Seminario Romano data omnibus argumentandi facultate*

D. JOACHIM DE MELO BAZAN.

*Ex Jure Pontificio Theses propugnavit in Seminario Romano*

ABBAS LAZARUS PALLAVICINUS.

*Ex Jure Cæsareo Theses propugnavit in Seminario Romano*

STEPHANUS DE MARI.

